

Astoria

B




~~EE.VI.28~~

LVIII. O. 16

F 2

14-27-B-33

14-27-B-33



ANNALI
ASTRONOMICI

INSTRUMENTI CVM CER-
tissimi tum commodissimi vsus, Pe-
tro Beaufardo Matheſeos
ſtudioſo auctore.



BIBLIOTECA NAZIONALE
ROMA
VITTORIO EMANUELE

ANTVERPIAE,
Ex officina Ioannis Steelsij.

M. D. LIII.

Ex q^{ibus} Dⁿⁱ R^{ati} Justiniana novum
Jo: Christostomi, Francis, & Vincentij ma

ACHILLIS STA-
TII LVSITANI IN LAV-
dem opusculi.

Rem tu dictam alijs prius fuisse
Hanc lector bone credo suspicaris,
Namq; hoc indice non libellus vnus.
Nec verò negat auctor ipse cuiquam
Conatos alios idem fuisse:
Id verò negat, ordine hos eòdem
Vfos tam faciliq; lucidoq;
Res et tam varias tot attulisse.
Quæ si singula non granare tantum
Et cognoscere, & omnia experiri,
Rem iam dictam alijs prius fuisse
Hanc, lector bone, sat scio, negabis.

FRANCISCI HYMANNI
Gandensis P. L. in libelli huius
laudem ad Lectorem,
Epigramma.

ACcipe primitias Beaufardi candide Lector
Vfibus emissas consilijsq; tuis.
Quas vbi sollicito studio tractaueris, atq;
Legeris excellens exhilaratus opus,
Tam paruo includi mirabere tanta libello
Commoda, vix antehac cognita mille libris.
Authorisq; simul veneratus amabile nomen,
Hos edes mecum voce probante sonos:
Primitias qui tam fecundas protulit, agri
Quàm preciosus adhuc postmodo fructus erit?

REVERENDISS.³

ATQVE ILLVSTRIS. PA-

tri, ac Dño, D. Hieronymo Daudi-

no, Tit. S. Matthæi, S. Romanę Ec-

clesię presbytero, Cardinali Imolē-

si nuncupato, summi Pontifi-

cis legato à latere, Petrus

Beaufardus S. D.



Legans, nec minus eruditū cen-
setur Platonis dictum, τὸν θεόν
αὐτὸν γινώσκοντα. Quo tamen si natu-
ræ ideā geometrica constare ra-
tione significatū videatur, sunt
qui opinentur (quibus ipse quoq, astipulor.) diui-
num Platonem voluisse, hanc mundi ideam
mira sapientia Deum formasse, perpetuo motu
ciuisse, & mortalium oculis spectandam dedif-
se. Quod si verum sit, utinam hoc Platonis di-
uerbium, omnes qui Christum professi sumus
inculcaremus sæpius: nihil enim fore putarem,
quod nos futuræ immortalitatis nostræ æquè
redderet memores. Quis enim mortalium obse-
cro vsq, adeo ferreus, aut sine sensu vllō, qui cæ-
lum quandoq, suspiciens, stellas, lumina, concin-
nampulcherrimamq, mundi fabricam intuens,

in admirationem abductus, statim de sua immortalitate futura haud cogitet? quoniam nihil prius esse potest, aut saltem debet: id namque mentem sapientius voluere, felicitatis proculdubio munus est. Quare & nos decet Dei imitatione ac Salomonis exemplo, αὐτὸν ἑκείνου ἱσθῆναι. hic enim huiusmodi disciplinam diuinitus se edoctum esse, Sapientiae capite septimo declarat. Quod ut commodè fiat, aliquid oculis obijciatur necesse est, quò facilius ac certius naturae ideam imitari possimus, sensibus nostris alioquin crassioribus nihil acturi. Varia quamobrem instrumenta excogitauit mortalium industria, quibus naturae idea hominum oculis scite conspici posset: quorum certius aptiusque nullum, annulo quem astronomicum dicunt, esse arbitror, quo haud secus atque in illa, diuino ingenio Archimedis, sphaera, caeli motus magna cum voluptate conspici & obseruari queunt: ut hac etiam ratione μὴ ὑποκρίνεται & ἡμεῖς ἴσθαι haud immerito dicatur, qui minima re vastam caeli machinam exprimere, eandemque quocumque locorum proficiscatur, minimo negotio circumferre queat. Quod ut maximum est, ita Dei munus esse nullus est qui ambigat: sunt quandoquidem haec omnia ὡς θεοῦ ἰσχυρία quaedam, ex quibus tanquam visibilibus rebus, Dei notio mortalibus innotescit, quemadmodum ad Romanos D. Paulus testifi-

restificatur . Cùm igitur superioribus diebus,
huius instrumenti , annuli inquam astronomi
ci , vsum conscripsissem, de Mecœnate, cui eun
dem dedicare commode possem , sollicitus esse
cœpi: atqui hic quo plures occurrebant, eò ma
iori in dubio versabatur animus . Nec sanè
immerito , cùm Mecœnas idoneus totius ope
ræ vnicus ac desideratus videatur scopus:
Nunc verò , celebri nominis tui fama, Pater
amplissime, (quã paucis diebus, sed multis vir
tutibus excitasti) adductus, tum mihi, tũ omni
bus patronis meis me satisfacturũ, certò scio, cũ
tibi, cui omnes, omnem laudem et probitatis et
rerum gerendarum prudentiæ tribuant, dedica
rim. Neq; enim Bruxellis tantũ, sed per om
nes has regiones, et apud nos etiam in studiorũ
q̃tio latentes homines, rumor hic, maxima cum
tua dignitate, percrebrescit, non te magis bea
tissimo & sanctissimo Domino nostro Papæ,
ac gloriosissimo et inuictissimo Cæsari gratum
charũque imprimis esse, quàm sint tibi stu
diosi probique homines. Audimus vbique vno
ore prædicari, tuã in negotijs prudentẽ probi
tatẽ, in colloquijs, grauẽ comitatẽ: in ijs expedie
dis quæ ad legati Apostolici munus pertinent,
integritatem et liberalitatem : in sacris faciẽdis
religionẽ: maxima sanè hominum admiratio-

ne . ita vt omnes ciuitates, omnia oppida, ad te
 vnū videndū colēdūq; (optimi videlicet exē-
 pli Pastorē Patremq;) confluāt. Sed tuas vir-
 tutes hic recensere velle, fortassis incōmodū fo-
 ret: mihi præsertim cui Attici lepōris minus sit,
 aut plus dicēdi inopiā, quā postulet tua virtu-
 tū copia. Ne igitur quod sibi alicubi Cicero de
 Pōpeiana virtute vsu venisse cōmemorat (faci-
 lius videlicet principiū quā finem inuenisse)
 idē hic mihi cōtingat, abstinendū censui: hoc tā-
 tum dixisse sufficiat, quōd satis ostēdat hoc gra-
 uissimū quo fungeris ad Carolū 5 Imperatorē
 Pōtificiā legationis munus, quibus virtutibus
 quāque authoritate sis. Adde quōd suis dedica-
 tionibus nonnulli hac in re non tantū nimij,
 verumetiam futili garrulitate importuni, ac
 molesti esse solent. Nec mirum: verā quando-
 quidem virtutes per se alioquin laudatæ satis,
 nulla commendatione, tantum abest vt fuca-
 tis adulationibus indigeant. Quare vbiq; nedū
 hīc, (vt sic dicam) nonnūquā oportet. Quo verō
 hoc quicquid sit muneris, tuæ dignitati foret gra-
 rius, ac tuū huc desideratū aduentū, me gratu-
 lari ostenderē magis: visū haud inutile fuit, si
 libello instrumentū (quod ipse quanta potui in-
 dustria fabricarā) adderetur, quo sine, libellus
 ipse rei alioquin minus esset habiturus. Quod
 non

nō vno iatū loco, verū etiā quouis orbis tractu,
vſui futurū eſt: quoq; te, vbiq; etiā terrarū ege-
ris, magna ratione, vt ex præcedētib; cōſtat,
oblectare queas: ac in eodē cœli typū, cū inter-
diu tū noctu ſemper cōſpicias licet. Adeò, vt ſi
diuini Platonis verbis vtendum ſit, *ἐν παντί* ſcā-
tua Amplitudo vbiq; locorū poſſit. Quod vt pul-
cherrimū, ita à munere tuo præclariſſimo mini-
me alienū cenſeo. Expedit nanq; immo decet oēs
mortales, nedum his conuenit, quos eccleſia ſuæ
Chriſtus præſſe dedit, eò aſpicere ſæpius, quò
vita defuncti quandoq; migraturi ſunt: vt quò
accedere, niſi ab anima corpore diſſoluto mini-
mè poſſint, eò ſenſim induſtria quadā ac oculo-
rū acie, & mēte tandē pertingere ſtudeāt. Sed
hīc ne hortator videar, vbi auditorē me præbe-
re poſtularet ratio: neq; idē quod alijs vitio dari
prius dixi, mihi minus putaffe videar, mihi tē-
perādū & finē vnā imponendū cenſeo. Accipe
igitur arrha loco, et amplectere quæſo, tui Beau-
ſardi lucubrationū primitias, quæ adeo non li-
berāt, vt obſtrictiorē etiā reddāt debitorē: cuius
modi me futurū haud ſenties ſpero, modo vita
pacatior, & Deo dāte diuturnior cōingat. In-
terim Vale, et tui Beauſardi memineris obſecro
Cardinalium decus ornatiffimum. Louanij. 7
Calendas Iulias. Anno 1553.

PETRVS BEAV-
SARDVS STUDIO-
so Lectori S. D.



Inter varia Matheseos instru-
menta, quibus celi motus obser-
uantur et calculantur, ea equi-
dem meo iudicio, si quid iudi-
co, semper visa suere certissi-
ma et vsui aptissima, quæ tali industria ac ar-
te confecta sunt, ut celi, cuius veluti simiæ ha-
bentur, figuram ac typum referant. Circularis
namque motus observatio, instrumentis si fiat
haud sphaericis, præterquam quod suspitione nõ
caret, etiam instrumentorum fabrica suo erro-
re haud destituitur. Sphaericũ enim in planum
certe et sine omni errore transferre, omnium dif-
ficilimum immo impossibile arbitror. Quæ enim
obsecro (fabricantis lapsum mittens) rectæ li-
neæ ad curuam ratio est? nam hætenas inuen-
ta tametsi proxima, nondum exquisita nedum
vera aut certa esse potest. Quæ de re cum hu-
iusmodi esse videam annulum, quæ astronomi-
cũ vocant, cuius vsum scripsere Bonetus de La-
tis Hebræus medicus, Burchardus Mithobius,
ac noster candidissimus Gemma, omniumque po-
stremo

stremò Iohānes Dryāder : & postrema fabri-
ca ab eorum interpretatione nōnihil variet: id-
que studiosos sanè adolescentes subinde perple-
xos habeat, vbi ad aliquem locum deuentū est,
quem vident à veteri fabrica haud parum dif-
ferre: nolui profectò meam operam, si hac in re
quid præstare possim, ipsis studiosis denegatum
iri. Præsertim cū minime ignorē, quantis preci-
bus apud me quidam subinde institerint, vt
quæ hac de re capita mihi conscripseram, eaque
paucissima, sibi cōmunicarē: quod equidē vltro
ac lubens feci. Quos vt vidi diligenti cura hac
trāsscribere sæpius, communi studiosorum vti-
litati consulens, modum excogitare cœpi, quo
multos scribendi onere leuans, omnibus prodes-
se eadem opera possem: si nimirū quæ domi a-
pud me latebant, paucis adiectis prælo commit-
tens, in lucem prodire sinerem. Huc enim ver-
git, vt ingenue fatear, meus sincerus conatus,
vt communi, præsertim Matheseos studiosorū,
utilitati propriū commodū, medicæ artis præci-
piū studiū, seria negotia, quibus occupor immo
verius distrahor quotidie, innumera, etiā cum
rerum mearum maximo dispēdio, omnia inquā
illi posthabenda censeam: veterum exemplo eò
adductus, qui omne bonum quò communius, eò
melius esse iudicarunt. In hoc enim totus sum,

ut quod studio, labore & diligentia cōsequor,
 id totum in communem studiosorum adolescen-
 tum vsum conferam: cuius rei testes mihi esse
 desiderem, qui meas publicas prælectiones fre-
 quentarunt sæpius. Cæpi igitur, ne ab insti-
 tuto digrediar longius, astronomici annuli in-
 strumentum longe certissimi ac commodissimi,
 quātum tulit mei ingenioli tenuitas, vsum con-
 sribere. Non quod huius me inuentorem præ-
 dicem (Cum ante annos nō paucos Bonetus He-
 bræus medicus & alij eū subsequuti, ut ex præ-
 cedentibus constat, eadem de re scripserint:) aut
 ingenij maiori dexteritate præditus, commo-
 dius quàm illi præstare aliquid ipse possim: ac
 propterea (quod absit) palmam hîc mihi dari
 cupiã (quid enim obsecro, ut ceteros mitiã, no-
 stro Gēma candidius aut ornatius inuenias?)
 Sed (ut quēadmodū initio dixi) postremæ fabri-
 cæ, omniū (meo quidē iudicio) commodissimæ ac
 certissima, studiosa iuuentus vsus accommodare
 posset. Nam horum eadem tametsi ratio ma-
 neat: propter fabricæ diuersitatem, vtendi mo-
 dus nonnihil discriminis habet. Idq̃ primo in-
 tuitu percipi non ita vel animaduerti potest:
 quod eo ingenij acumine omnes haud esse puitē,
 ut cuiusvis praxeos rationem semper in prom-
 ptu habeant. atque his quidem meas quales-
 cunque

cunque lucubrationunculas lucis quid allaturas
 spero, quibus nostrum Gemmam ita referre stu-
 dui, ut eorum quæ ipse habet nihil mutaue-
 rim, nisi fabricæ diuersitate id necessario postu-
 lante. Multa namque sincere ex eo, quasi ver-
 botenus, excerpta videas: Id quod propterea feci lu-
 bentius, quod eius luculenta scripta ab omni-
 bus studiosis merito probari & magno ample-
 cti studio sciam. Libellum autem biparties, prio-
 ri astronomicos usus, altera parte geometricas
 dimensiones complexus sum. Adieci insuper non-
 nulla quæ apud alios nusquam inuenias. Qui-
 bus bene captis si Deus annuerit, & vita pa-
 catio tranquilliorque contigerit, serijs nego-
 tijs minime obstantibus, si quando per otium in-
 tegrum fuerit, conabor equidem studiosorum
 in gratiam, huic instrumento longe plures ac-
 commodare usus: tamen si, ut dicere cæpi, maxi-
 mo rerum mearum dispendio id perficiendum
 esset. Tuum igitur interea temporis erit, can-
 dide lector, (si voles, quod Græcis in proverbio
 est, ὅταν ἴδῃς ἰπὶ φίλου) lucubrationum mearum primi-
 tias hilari fronte excipere, & obuijs vlnis ob-
 nixe amplecti. Quod si percepero, operam dabo
 ac adnitari sedulo, ut meum erga te animum
 olim ipse vicissim sentias. His vale, ac meis
 quæso laboribus sincere vivere.

AR.

ARGVMENTVM

CAPITA OMNIA PRIORIS

partis complectens, authore Francisco

Hymanno Gandensi P. L.

Fundamenta suo prima doctissimus auctor
Fronte operi victura iacit, certasq; micanti
Dissecat in partes fabricatam ex ære figuram.
Ex qua deinde docet Solarem in signa ferente
Perlustrare gradum, & spacijs discernere terras,
Æquales lucente die Lectoribus horas,
Stelligeriq; plagas mundi, Phæboq; remoto
Exhibet horarum documenta fidelia, monstrans
Obseruare polos, inque vtram sidera partem
Declinent, alijs quota sit regionibus hora,
Occiduumq; ortumq; horis distinguere solem,
Metiri noctem varia ratione diemq;
Horasq; quot punctis Solis separetur ab ortu
Occasurve, hora quæ sint quas sacra Mathesis
Nomen iniquarum, propter discrimen, habere
Iussit, Adhæc facili methodo perquirere Solis
Stellarumque altos, superato limite cæli,
Ascensus, tristis quanuis obduxerit illud
Temperies, tum posse gradus cuiusque, pererrare
Orbita quos Solis, vera interualla notare,
Atq; aliquot stellis spacia, æquatore relicto,
Facta. Sed & si sol medio, vel stella supremo
Scanderit astra gradu, sibi finitore subacto
Climata scrutari, medio quouisque diei
Momento Solisque locum mensisque dietem
Nouisse: & quamuis turbauerit æthera nubes,
Possè

33

*Posse tamen medium recte deprehendere quavis
Tempestate diem, quod & ipsum linea ducta
Indicat. utq; scias, quo puncto limitis ortum
Et lapsum capiant sol quavis signaque luce,
Consule praesentem lector studiose libellum.*

CAPITVM, QVAE

HOCLIBELLO CON-

tinentur, index.

Prioris partis capita.

- | | |
|--|------------|
| P artium declaratio | Cap. I. |
| Solis in Signifero locum vel gradum inuenire | Cap. II. |
| Locilatitude quomodo inuenias | Ca. III. |
| Horas aequales interdiu, & mundi plagas, cum alijs nonnullis, addiscere | Cap. IIII. |
| Nocturnae horae inuentio | Cap. V. |
| Poli situm, & vtram in partem stellae declinent obseruare | Cap. VI. |
| Quota in alio tractu hora sit perscrutari | Cap. VII. |
| De Solis ortu & occasu, quantitatemque diei ac noctis capienda | Cap. VIII. |
| Ortus & occasus horam alia ratione inuestigare | Cap. IX. |
| De Planetarum seu inaequalibus horis | Ca. X. |
| Ab ortu vel occasu Solis, quota hora sit, inuestigare | Cap. XI. |
| De Solis & stellarum altitudine | Cap. XII. |
| Solis & stellarum altitudines caelo nubilo ac quolibet tempore inquirere | Cap. XIII. |
| | Cuiuslibet |

24
Cuiuslibet gradus Eclipticæ declinationē sup-
putare Cap. XIII.

Aliquot stellarū declinationes inuenire Cap.
XV.

Solis meridiana vel stellarum maxima altitu-
dine obseruata, locorum latitudines indaga-
re Cap. XVI.

Solis locum & mensis diē venari Cap. XVII.

Idem meridiana Solis obseruata altitudine e-
tiam indagare Cap. XVIII.

Idem diei quauis hora inquirere Cap. XIX.

Solis etiam minime conspiciui meridianam al-
titudinem quolibet tempore obtinere Cap.
XX.

Meridianam lineā plano inscribere Cap. XXI.

Quo horizontis puncto Sol vel stella quolibet
die oriatur & occidat Cap. XXII.

ANNVLI ASTRO- NOMICI VSVS.

Quòd omnium commodissimè ære annulus fabricetur, & pauci Matheseos studiosi ararij sint, non tamen sine studij huius aliquo dispendio eius fabricam omittentes, à partium explanatione meritiò auspicandum duximus.

Partium annuli declarationio.

Caput primum.



Annuli quatuor omnē hūc nostrū vsū præstāt: quorū extimus, qui reliquos inclusos habet, meridiani vices præbet. Vocamus autē meridianum circulum, qui missus per mundi verticem vtrunque, & capitis punctū (quòd zenith Arabes vocāt) nostris imminet verticibus: quòd, cū ad illum ex ortu ascendens Sol peruenerit, mediæ diei indicium sit. In hoc affixi sunt duo interiores annuli, simul in modum vnius coniuncti. Atque puncta duo, circum quæ hi mouentur, Poli siue Cardines mundi, à nonnullis Vertices

Meridiani definitio.

ap-

appellatur : Alterum scilicet quod circa an-
 sulam est, arcticus, borealis, vel septentrionalis:
 alterum antarcticus, quasi arctico oppositus, au-
 strinus vel meridionalis polus dicitur. Est ve-
 rò hic annulus, ut quivis sphaerae circulus, pri-
 maria sectione in partes aequas 4 diuisus: qua-
 rum una tantum sua laterali superficie, deinceps
 in 90 particulas, quas trito nomine gradus ma-
 thematici vocant, dissecta est, decadam (ut ple-
 runque fit) tantum ascriptis numeris. sunt au-
 tem hi gradus latitudinum, qui poli eleuatio-
 num, gradibus ubique locorum pares sunt. Sed
 nos, non quod inani curiositate moti, supersti-
 tiosi hac in re esse cupiamus, verum commodi-
 tatis ac discretionis gratia, zodiaci particu-
 las, gradus: aequatoris, tempora: aliorum cir-
 culorum segmenta, partes appellabimus, quod
 etiam in sequentibus perpetuo obseruare stude-
 bimus. Secundus annulus, qui cum primo instru-
 mento complicato, unum constituit, aequatorem re-
 fert seu aequinoctialem circulum, qui medij orbis
 circulus est, ab utroque polorum mundi aequaliter
 distans. Hic, ut primus, in quatuor quadran-
 tes diuisus est, quolibet lateralis superficie, rur-
 sus in 90 tempora dissecto, quorum dena-
 quina singulis respondent horis: ita fit ut ho-
 ra bis exurgant 12, initium à meridie & media
 nocte

nocte sumentes, ut cuius inspicienti manifestum est: atque illa ipsa tempora seu gradus, signis in annuli exteriori superficie notatis, inseruiunt. Partes verò quæ interiori eiusdē superficiēi insculptæ sunt inæquales, mensium dies sunt, literis primarijs asscriptis id significantibus: à Ianuarij Calendis, quibus vigesimus primus Capricorni gradus respondet, supputationis initio factō. Est præterea vna huius annuli vel prius dicti meridiani quarta, sua laterali superficie in bis duodecim partes inæquales distributa: quæ rursus in alias inæquales particulas plures vel pauciores, prout instrumenti capacitas fert, dissectæ sunt, *scala Geometrica* partes dictæ, *Scala geometrica.* quarum vsus in dimensionibus est. Tertius duplex est: nam ita quarto cobaret, ut cum eo annulum vnum conficiat: in cuius exteriori superficie, quarūdam cælo hærentium stellarū (quas fixas vocant) nomina scalpta videas, cum declinationibus & numerorum notis, horis nocturnis, ut in sequentibus patebit, inseruientibus: in huius quoq; superficiēi medio, linea ducta est, horas cum diurnas tum nocturnas indicās, quam horariam subinde appellabimus. *Horaria &* verò superficierum altera horas bis duodecim, *nea.* nocturnas inquam, cum partibus circuli, continet: nam quæ in æquatore signantur, inter diu

vsui sunt: Altera verò declinationes signorum
 cum eorundem characteribus habet: septentrio-
 naliū quidem, & Arietis, & Tauri, & Geminorū
 declinationes, ab æquatore borealem polū
 versus supputando: ☿ Cancrī, ♌ Leonis, ♍ Vir-
 ginis, à polo versus æquatorem descendendo:
 Australum verò, ♎ Libræ, ♏ Scorpī, ♐ Sagit-
 tarij, ab æquatore descendendo: ♑ Capricorni,
 ♒ Aquarij, ♊ Piscium, à polo antarctico æqua-
 torem versus numerando: singulorum spatij
 (ni obstiterit declinationis angustia) per trige-
 nas aut denasquinas partes distributis, ac di-
 ctorum spatiorum singulis, signis binis inseruie-
 tibus. Binorum quandoquidem similium decli-
 nationes pares sunt, & Arietis nimirum & ♍
 Virginis, ♎ Libræ, ac ♊ Piscium: quaternorum
 verò dissimilium, nec minus æquales sunt, & A-
 rietis, ♍ Virginis, ♎ Libræ, & ♊ Piscium. de cæ-
 teris idem esto iudicium. Huius etiam superfi-
 cie medietas altera, in partes bis 90 distributa
 est, quæ declinationibus & alijs vsibus accom-
 modandæ sunt. Atq; hunc annulum, cuius mo-
 dō partes recensuimus, meridianum versatile,
 volubilem, seu mobilem vocemus licet. Quartus
 tandem, dioptras seu tabellas duas cum forami-
 nibus, & partibus prominentibus iisdem respō-
 dētibus ex diametro oppositis, quas pinnas, pin-
 nulas

Meridianus
 mobilis.

Quartus an-
nulus pin-
nacidia de-
ferens va-
catur.

nulas, seu pinnacidia vocant, deferens, tertio sic
inclusus, ut cum eo unū prorsus constituat, sig-
norum ac stellarū ascensiones rectæ sphaera, per
gradus singulos sua laterali superficie cōtinet:
in cuius interiori superficie signa notata sunt,
spatiis (ut plerunq; fit) per quinos gradus aut
partes distributis. Sunt præterea hic numerorū
notæ, alterius annuli notis, meridiani nimi-
rum mobilis, respondentes: stellarum ascensio-
nes rectæ sphaera, seu Zodiaci gradus, quibus
stellæ in recta sphaera cooriantur, indicantes:
quæ nocturnis horis accommodandæ sunt. De-
est nunc instrumento, ut omni perfectione con-
stet ansula, ad quamvis latitudinem perducen-
da, ac duabus cochleis figenda, qua fili loco uti-
mur: et hæc, præterquam quod vsui commodissi-
ma est, etiam omni casus periculo instrumentū
liberat. Atq; hæc est omnium quæ unquam fue-
re, variæ tamen, annuli fabrica cum certissi-
ma tum commodissima, & ea qua hac tempe-
state utimur. Verū dictis armillis si quintus
annulus accedat, qui horizontis vice fungatur,
(cuiusmodi nonnullos videre licuit: utq; est,
quem magna industria ac solerti opera his pro-
ximis annis, Carolo quinto Imperatori inui-
ctissimo & matheseos studiosissimo, confecit
noster Gerardus Mercator, Rupelmundanus.

vir, quo fabricæ instrumentorum, ut cum omnium pace dixerim, hac tempestate nullum peritiorum nouerim) nō me Hercule dicere possim, huiusmodi instrumentum quot usus præstare queat: adeo ut usum certitudine (taceo multitudinem) cum astrolabio certare facile dixeris.

De annuli usu: primumq; de loci Solis inuentione.

Caput II.



*V*nc, quod fœlix faustumq; sit, instrumenti usum auspicemur. Quum ergo annihorarumq; dimensio omnis, à sole pendeat (tum enim annus est, cū periodico suo cursu, sol orbem signorum percurrerit: dies verò, cum ab ortu per meridiē, occasum, ac mediam noctem, in eūdem denuo remeauerit) necessaria prorsus Solis motus cognitio censetur, quem obtinebis eo qui sequitur modo. In aquatoris interiori superficie, sculpta sunt mensium nomina cum respondentibus diebus, mensium primarijs literis tantum assculptis. Solis igitur locum seu gradum die aliquo inuestigaturus, quare in eadem superficieensem eiusq; diem: quo factō, diligenter perspice in eiusdem laterali superficie gradum eiusq; partem. qui quotus
cuiusq;

cuiusq; signi sit, facile exterior annuli superficies indicabit: atq; is est quem oblato die Sol in Ecliptica occupat, cum quo cælum etiam mediat. Exemplo fortassis rem lucidius capies. Scire libet, duodeuigesimo Martij die quem locum Sol teneat. Quæro igitur in æquatoris dicta superficie signatū diē: cui video in laterali superficie respondere sex gradus cum besse quasi γ Arietis. Dico igitur, Solē meridie dicti diei, cæli fastigium attingere cum 40. quasi scrupulo septimi gradus γ Arietis. Annus tamen si fuerit intercalaris seu bisextilis, semper oblato diei, post elapsum duodetrigesimum Februarij, cum is mensis tum vndetriginta diebus constet, vnus adijciendus est: A deo ut si eius locū habere cupiā Calēdis Martij, id cum sexto nonas agam necesse est: si secundo die desiderem, cum tertio perficiendum est. idq; ad finem vsque anni perpetuò obseruandum est. Si verò quis annus futurus sit bisextilis, aut quotus post bisextum, certus esse cupias: annorum numerum post Christum natum per quatuor distribue. si nihil, diuisione facta, residui sit, annus præsens bisextilis est: sin aliquid fuerit, quotus post bisextum annus sit, quod residuum est indicat. Nā si tria, tertius: si 2, secundus: sin verò vnum, primus post bisextum annus est: partitionis numero,

Præsentio
Anni bissex
tis vel quotus
post bisextum

quot post Christum natum elapsi anni bisextiles sint, semper indicante. Idem quoq; minori negotio obtineas licet, si chiliadibus ac centurijs reiectis, decadas cum monadibus per quaternarium partiaris. at utrocunq; opereris modo, colliges 1552. bisextilem fuisse, fluentem verò 1553. nimirum, primum post bisextum.

Loci latitudinem quomodo inuenias.

Cap. III.

Latitudinis finitio.

ANnulus hic quidē noster, toti non solum Europæ, sed vniuerso orbi inseruit: obseruata tamen vniuscuiusq; regionis à medio orbe, quæ poli eleuationi æqualis est, latitudine, quam definiunt meridiani arcum, capitis vertice & æquatore interceptum. Sed cum hinc non omnium regionum aut locorum latitudines ascripserimus (id enim ingentis esset voluminis) nec in promptu semper sint, præsertim vbi in regionem incognitam quis deuenit: vtile visum fuit artem ascribere, qua quiuus loci eius in quo agit latitudinem ipse experietur. quæ sic habet. Promoue dioptram alteram intimi annuli ad oblatus diei Solis declinatio-

nem

nem, quam in meridiani mobilis laterali superficie sculptam diximus: ut nimirum dioptra promouens pars (quam pinnacidium capite primo appellauimus) quam fieri potest exactissime, Solis declinationi seu gradui respondeat. Deinde obserua Solem meridianum adamussum tenentem: & omnibus explicatis armillis, mobilem meridianum volue, ut horaria linea exteriorum eiusdem superficiem mediam secans, circa duodecimam horam aequatoris collocetur. hinc filo meridiano alligato, instrumentum liberè suspendatur, & quod Solis declinationem tenet, pinnacidium eidem obijciatur: filum verò quod nunc meridiano alligandum diximus, susque deque moueatur, quousque Solis radius viriusque dioptrae foramen transeat. tunc demum filum ipsum, quo annulum suspensum tenes, regionis latitudinem poli altitudini inibi aequalem, certa indicabit ratione. Atque ibi perpetuò, cum diei hora vel noctis, aut mundi plagae inuestigandae sunt, ansuta, de qua primo capite, figenda est, ut eiusdem medium, latitudinis termino perfecte respondeat, donec in aliud clima, aut regionem magis australem vel arctoam te contuleris: ibi enim rursus ex tabella in fine huic libello apposita, arteve modò praescripta,

regionis latitudo inquirenda est. Tametsi autem meridiei mentionem fecerimus tantum, licet tamen idem experiri & alijs antemeridianis siue pomeridianis horis: collocato enim, ut modo diximus, meridiano mobili ad horam diei propositam, qua id inuestigare libet, ac dimissis accurate Solis radijs per dioptræ foramen, donè ipsi oppositum transeant: eadem ratione ac via quibus prius, ipso filo in certam situs latitudinem deducèris. Quod si statim, ut ferè usu venit, Solis radij per alterius tabellæ foramen missi, obiectæ foramen non omnino transeant: ligandum est filum sursum deorsumve, sæpiusque tentandum donec succedat. Quo verò modo interdum per Solis meridianam altitudinem, vel noctu per stellarum altitudines maximas, paulo certius ac commodius

capite 16. locorum latitudines obseruari queant, dicemus ubi de Solis ac stellarum altitudine inuestiganda egerimus. Insuper quanquam explicandas esse armillas hic monuerimus, idem quoque minori negotio, iisdem complicatis, obseruari posset, si modò quæ decimo septimo capite dicturi sumus, consulere lubeat. sed Gemmam nostrum hic referre studuimus.

Horam æqualem interdiu , & mundi plagas cum alijs nonnullis addiscere.

Cap.III.

Qua via in regionis latitudinem venire possis, præcedenti capite ostendimus. hac igitur cognita, ansulæ ei probè affixa: quorū sit diei hora, ut plenè scias, paucis accipito. Altero pinnacidio, ad Solis declinationem oblatis diei, accurate perducto, post armillis explicatis, annulūque è manu vel re quapiam liberè suspenso, dictūque pinnacidio Soli obiecto: meridianum mobilem attollito vel deprimito, donec solaris radius utriusque tabellæ foramen transeat. statim linea horaria, in æquatoris laterali superficie, horam atque adeo eius partem in temporibus, quorum singula quaternis horæ minutis respondent, absolute ostendet. His absolutis, annulūque immoto permanente, non horam tantum nactus es, verum etiam mundi plagas obtines, ostendit quandoquidem instrumenti meridianus, tui situs meridianum, qua de re septentrionem & austrum. utra vero parte hunc, utra illum, etiam puero notum est. Verum seu æquinoctialem ortum, hora sexta antemeridiana: occasum verum, hora sexta

pomeridiana illi opposita, digito quasi commonstrat. Cum tamen difficile haud sit, ducta in plano meridiana linea (cuius describendi modum capite 21. trademus) reliquos mundi cardines assignare (si enim hanc alia ad rectos angulos linea recta discescat, indicabit altera quidem extremitate ortum, altera occasum verum) Illud tamen, cum horam venaris, minime negligendum, eam meridiani mobilis partem, quam dioptra solis locum tenens occupat, in orientali annuli parte, si dato momento meridianum Sol prætergressus haud sit, collocandam esse: contrà in occidua, modò idem meridianum relinquens in occasum prolabatur. Quod ex umbris vel Solis altitudine (de qua in sequentibus) addisces facile. Si enim hæc augeatur, vel illa decrescant, nondum meridiem esse: sin contrà hæc minuatur, vel illa crescant, solem meridianum reliquisse, indicant. Quare in meridiani collocatione sedulus esto: alioquin non in plagis modò, verum etiam horis erres necesse est. Id autem inde accidit, quòd binis horis à meridie equaliter distantibus, vel 12. simul constituentibus, eadem Solis altitudo habeatur, nimirum nona & tertia, decima & secunda, undecima & prima. de similibus idem esto iudicium. Licebit quoque alia

ratione

Capit. 12.

ratione , num tempus antemeridianum an pomeridianum sit , addiscere . Hora enim , quo diximus modo inuenta , annulus aliquantisper sic seruetur , volubili meridiano nequaquam moto : pòst Solis radius per superioris tabellæ foramen missus , si ab alterius foramine deorsum vergat , nondum meridiem esse : sin idem foramen superet , cæli fastigium Solem attigisse , tempusq̃ pomeridianum esse , haud ambigas . Præterea vnius hoc loco te admonitum cupimus studiosè Lector : vbi horam inueneris , instrumento permanente immoto , omnes armillas sui cæli circulis , singulas singulis adamussim respondere . Poteris igitur minimo negotio illos cælo inscribere , ac variorum punctorum situs deprehendere . quæ procul dubio astronomiæ studiosis multum emolumenti adferunt .

Horæ nocturnæ inuentio.

Caput quintum.

Solis esse , horarum interuallis tempus distinguere , dubium opinor esse nemini : atqui huius præsentiam cum nox denegat , stellarum adminiculo noctu agamus oportet , quod interdiu , radiante Sole , perficimus .

Magnitu-
dinis pri-
mæ stelle
15 vel 16

Vt igitur nos hac re commodè expediamus, stellæ cuiusdam fixæ habenda cognitio est, quæ solis vices absentis subeat: hanc ab Astronomo quopiam discat necesse est, qui huius alioquin ignarus est. ex descriptione enim nuda, difficilis fuerit cognitio. Attamen nostro ne defuisse officio videamur, talem vnus, quæ in hunc vsu omnium fixarum nobis accommodissima est, descriptionem accipe. Stella est, primæ (vī vocant) magnitudinis (cuiusmodi 15 ab astrologis, à nonnullis 16 numerantur) hoc est, maximæ quantitatatis inter fixas stellas, distans ab æquatore partibus quasi 45, Hircū auctores vocant, lucida, rubicunda, nunquam se submergens sub nostrū finitorem. Cum Sol fuerit in vndecimo Sagittarij gradu (quod nostro sæculo nono Decembris Calendas accidit) ipsa noctis hora duodecima circa capitis verticē conspicitur. Quare situm temporis à stella arctico mundi polo proxima, extrema inquam caudæ vrsæ minoris, rectè visu processeris meridiem versus, ipsa visui prima occurret. Haud secus, si cū Luna in Geminis constiterit, ab hac versus eandem polarē stellā visu progressus fueris: prima rursus occurret lucida hirci stella, Capella veteribus dicta. Quod si hanc fortassis cōmode novisse haud possis, alterius descriptionē accipito.

Eius.

Eiusdem est magnitudinis stella ad arctos par-
 ribus 35. cum besse quasi declinans, lucida ac cā-
 dida, quam Fidiculam antiquitas, Lyram vul-
 gus appellat: in nostro tractu superius hemi-
 sphærium vix relinquens, utpote 3. partibus cū-
 triente tantum sese demergens. Cum Cancri
 quintum gradum sol tenuerit, decimoquin-
 to nimirum calendas Iulias, ipsa noctis duode-
 cima hora sub meridiano consistens, partibus
 69. cum besse supra nostrum finientem sese at-
 tollit: quare tum temporis à polo rectà meridiē
 versus linea ducta, per Fidiculam necessariò
 mittitur. In eius igitur cognitionem facile de-
 uenies, si stellæ altitudinem (de qua in sequen- Capit. 12.
 ribus) annulo ceperis. Haud secus, à luna circa
 quintum Capricorni vagante, ad polum mis-
 sa linea stellam intercipit. quam igitur in pro-
 tracta linea splendidam cōspexeris, Fidiculam
 esse concludito. His igitur vel alia quapiam,
 cuius nomen in volubilis meridiani exteriori
 superficie sculptum sit, cognita, quæq; supra fi-
 nitorem oblato tempore conspiciatur: pinnula-
 rum altera ad stellæ nomen seu declinationem
 in eodem meridiano perducatur, ut eidem per-
 quàm directè respondeat: & armillis omnibus
 explicatis, annulòque secundum loci ab æquato-
 re distantiam seu latitudinem, è manu vel
 re qua-

re quapiam liberè suspensò, voluendus mobilis meridianus, ut dioptra prædicta eam annuli partem teneat, quam nota stella oblato tempore in cælo occupat, orientalem nimirum vel occidentam. His factis, eademq; dioptra stellæ obiecta, sursum deorsumve meridianus voluatur, quousq; dicta stella per tabellarum latera oculo directè occurrat: dein notetur hora eiusque pars, quam mobilis meridiani linea horaria, ut capite proximo diximus, in æquatore indicat. Hac autem cum vera non sit (solis est enim horas distinguere) quærenda est alia per stellæ ipsius à sole distantiam, eo quo dicemus modo. Cōsidera quis numerus, eidē stellæ in exteriori meridiani mobilis superficie, asseribatur: hunc in superficie interiori annuli pinnulas deferentis quære: cui in laterali superficie gradus respondens notetur eorum, quos (ubi de annuli partiū declaratione egimus) ascensionum sphaera recte diximus: isq; ad horam prius inuentam ac eiusdem partem, in meridiani mobilis laterali superficie, intimum annulum sensim circumgirando, perducatur. tandem ad solis locum seu gradum in hoc annulo te conferas: qui horam veram in meridiani mobilis laterali superficie, atque adeo eius partem plenè ostendet. Exemplari discursu quæ volumus, quòd plura quàm diffi-

ficilio-

faciliora sint, rectius fortassis capies. Libet igitur Decembris idibus, quibus Capricorni primum gradum Sol occupat, post eiusdem occasum horam nocturnam inuestigare. Oculos igitur circumferens, Capellam cæli fastigium nondum attigisse video. Quare omnibus armillis explicatis, eiusdem declinatione alterum pinna-
cidium adducens, curo ut idem annuli orientalem partem occupet: & instrumento ex situs latitudine liberè pendente, mobilem meridianum deprimō vel attollo, quousq; per tabellarum latera, dictam stellam visu notare queam: & horas in æquatore vndecim comperio, huic numerum stellæ ascriptum, & nimirum, in superficie annuli tabellas deferentis interiori inueniens, eundem paulatim circumgiro, ut ducta à numero linea, horæ vndecimæ, in meridiani mobilis laterali superficie, absolute respondeat: in qua etiam Capricorni primus gradus, superfici-
ciei interiori annuli tabellas deferentis insculptus, veram noctis horam nonam cum 45 scrupulis quasi elapsam apertè iudicat.

Poli situm, & vtram in partem
stellæ declinent, obserua-
re. Cap. VI.

Mo-



Onuimus capite quarto, hora diurna inuenta & instrumento minime moto, omnes eius armillas suis cœli circulis adamuſſim ſubijci ac reſpondere. Eadẽ prorsus ratio eſt, vbi noctu horã inueneris, cùm eodem momento cœli typum annulus referat, ac eiufdem veluti ſimia habeatur: quare huius arcticus polus, cardinis cœli locum certa ratione indicat. rectã igitur ab oculo, per vtrunq; annuli polum, ad cœlum perducta linea, arcticum mundi polum oſtẽdit. Haud ſecus ab oculo miſſa, ducta nunc lineã parallela, eadem prorsus ratione, idem cœli pũctum notat. Facile igitur, ni geometriã plane rudis, dictũ cœli pũctũ viſu aſſequeris: à quo terciã magnitudinis lucida ſtella, caudã minoris vrſe extrema, partibus 4. cũ ſcrupulis 9: altera obſcurior, quarta magnitudinis, minus diſtãs, 50. ſcrupulis, hoc noſtro ſæculo, vix abeſſe fertur. Præterea cùm tui inſtrumen-
ti æquatoris adminiculo, cœlo æquatorẽ inſcribere queas, de ſtellarum declinationibus diſcernes facile: quas namq; in lateralis æquatoris plana ſuperficie, monophthalma inſpectione deprehenderis, nullam declinationẽ ſortiri: quas ſupra, ad arctos: quas infra eandẽ ſuperficiẽ cõſpexeris, meridiẽ verſus declinare, nõ eſt quòd dubites. ſed de his plura in ſequentibus dicturi.

Quota

Quota in alio tractu hora sit, perscrutari.

Cap. VII.

Vuat nonnunquam, hora diurna nocturna ve inuenta, nouisse quota, in alio loco longitudine differente, hora sit: ut stellarum ac syderum aspectus, luminum eclipses & similia, omnibus longitudinibus accommodari queant. Si igitur libeat inuenta hora, dato momento ad quemuis alium situm, qui à tuo longitudine differat, horam addiscere, sic agito. Minorum duorum locorum longitudinē à maiori subducito, & residua tēpora in horas cōuertito, diuisione per 15 facta: residuo (si quod fuerit) per 4 multiplicato: proueniunt enim horarum scrupula. quod si præterea temporū scrupula se offerant, diuisione per 15 facta, redduntur horarum minuta. quæ omnia simul ex tui loci horis subducito, modò alterum lōgitudine superet, vel eodem orientalius fuerit, horis adiectis 12. si auferri nequeant: vel horis inuentis adijcito, modo alter tuum longitudine vincat, vel tuus altero occidentalius existat. hoc aut illo modo quidquid se offerat, horam alterius regionis eodem temporis momento ostendit. Verū quotiescumq; horarum numerus 12. excesserit,

C resi-

34 ASTRONOMICI ANNVLI
 residuum, 12 reiectis, pro horis seruetur: nisi ho-
 ra 24 numerentur, vt in Italia & quibusdam
 Germaniæ locis vsuuenit. Exemplo rem ipsam
 apertam reddere conabor. Duo sunt loca sub
 diuersis meridianis sita, Louanium inquam di-
 stans ab insulis Fortunatis (vnde longitudinis
 initium) temporibus 27. scrupulis 8: Toletū ha-
 bens longitudinis tēpora quasi 10. quæ ex prio-
 ri longitudine subducta, tempora 17 scrupula
 8 relinquūt. His (vt pote diuisionē per 15 haud
 admittētibus) reiectis, tempora per 15 partior,
 vnitatem pro diuisorio numero collecta: tempora
 verò residua 2 per 4. multiplico, sicq; colligo v-
 nam horam cum 8 scrupulis, longitudinis diffe-
 rentiam in tempus conuersam, semper ex horis
 Louanij inueniis subducendam. Adeo si Loua-
 nij inuenta hora tertia sit, eodem temporis mo-
 mento Toleti hora prima cum 52 scrupulis esse
 dicatur. ac ita in cæteris.

De Solis ortu & occasu, quan-
 titateque diei ac noctis
 capienda.

Caput VIII.

Solis ortum appellamus tempus, quo ipse
 Santipodibus nostris occidens, supra finien-
 tem

tem nostrum emergit: sic contra occasum, quo idem sub nostrum horizonta sese demergēs, antipodibus oritur. Qua de re ut commodè nos expeditemus, horizontis opus esset: quem cum pauci annuli habeant, aliquid oculis subiiciamus, quod eius vice fungatur necesse est. Omnibus igitur armillis complicatis diligenter cura, ut pinnacidium utrumq, ab ansula medio æqualiter, vel circuli quadrante remoueat: hinc aspice per utriusq, dioptræ latera signum aliquod remotissimum. quo enim longius distiterit, eo certior operandi modus. Quod ut notaueris, alterum pinnacidium ad Solis locum, quem oblato die in ecliptica tenet, perducito: & armillis explicatis, ac è latitudine annulo liberè suspenso, eademq, pinnula in orientali annuli parte collocata, ac signo conspecto obiecta, erectus sta, ut prius mobilem meridianum susq, deq, moueas, donec visu per tabellarum latera, idem prius notatum signum assequaris. quo absoluto, linea horaria, mobilis meridiani superficiem exteriorē mediā secās, horā cum scrupulis in æquinoctiali circulo, qua Sol inferius hemisphaerium relinquens supra nostrum finitorem ascendit, indicabit. Quod tēpus si duplaueris, noctis quantitatem produces: qua ab horis 24 subducta, dici artificialis quantitas relinquetur. Si

etiam quo tempore occidat habere desideres, mobilem meridianum volues, ut solis locum dioptra tenens, occiduam annuli partem occupet: nec secus ac prius, per tabellarum latera notatum signum obseruabis, sicq; occasus horam videbis. Aut si libeat, ortus horas prius inuentas ex 12. subduces: nam quod offendet residuum, horam etiam indicabit occasus. Hac quia difficultatis nihil habent, exemplis hic supersedendum duximus.

Ortus & occasus horam alia ratione inuestigare.

Cap. IX.



Enith seu capitis verticem ab omni horizontis puncto (quod eiusdem polus habeatur) circuli quadrante, seu partibus 90. abesse, dubiū opinor esse nemini: quare tantam à zenith aliquis punctus distantiam nactus, in finiente constituatur necesse est. Poteris igitur alia ratione, horam ortus & interitus Solis, sequenti modo etiam obtinere. Alitero pinnacidio, quasi horam inuestigaturus, ad Solis locum perducto, & oriētalem annuli partem tenente, omnibusq; explicatis armillis, circum aliquem dispeſce, ut interioris superficiei equi-

æquinoctialis quadratē cruribus intercīpiat, quem sic distentum serua: & cruris alterius acie, mobilis meridiani exterioris latitudinis puncto medio, quod Solis declinationi respondeat, accurate inserta, & inibi hærente, eundem meridianum huc illuc ducito, quousq; alterius cruris extremitas, puncto meridiani (cui affigendam ansulam tertio capite monuimus) verticale punctum, aut zenith tui loci repræsentanti, plane cōiungi queat. His absolutis, mobilis meridiani horaria linea, in æquatoris laterali superficie horam cum scrupulis, qua in finitore Sol constitutus emergere incipit, plenè ostendet. hac inuenta, diei ac noctis quantitatem, occasus etiam horam, per caput præcedens edoctus, facile colliges.

De Planetarum seu inæqualibus horis.

Cap. X.

DIem astronomi duplicem assignāt: Naturalem, viginti & quatuor constantem horis, semper fere æqualem: quem definiunt æquatoris reuolutionem circum terram semel, cum eiusdem portione, arcui eclipticæ interea Diei naturalis finitio, temporis à Sole peracto, respondente. Artificialem

*Artificia-
lis dies
quid.*

lem, duodenas complexum horas. Atq; hic cum ab ortu Solis ad eiusdem occasum sumatur, illudq; interstitium in omnibus regionibus ab ore medio declinantibus, diuersum sit & inaequale: necesse est horas huiusmodi, quæ diem hunc in 12 æquas partes distribuunt, inaequales esse sæpius. Quæ non à mutua, sed dierum inæqualitate sic dictæ sunt. Nam cum dies noctem excedit, necesse est diei horas eadem ratione nocturnas superare. Atque huiusmodi horis, pleraque veterum horologia distincta fuere. Inuenturus ergo quota sit diei hora inæqualis: primò quære quantitatem diei, de qua capite proximo diximus. Inuentam in 12 æquas partes distribue: nam ita tibi quantitas vnius horæ inæqualis producetur, qua comperta, vide quot sint horæ æquales elapsæ & minuta ab ortu Solis ad tempus propositum, quas cum minutis per quantitatem vnius horæ inæqualis diuide: exhibit demum hora inæqualis temporis præfiniti. Eodem modo cum nocte agendum: subducta enim diei quantitate ex horis 24, relinquitur noctis quantitas. quod tempus rursus in 12. æquas partes distribue: habebis eo modo quantitatem vnius horæ inæqualis. Vel habita diei hora inæquali, eam ex duarum æqualium quantitate aufer, restabitque hora inæqualis

qualis nocturnæ quantitas. Cuius ratio in propriu est: quanto namq, diurna inæqualis hora, æquali maior: tanto nocturna inæqualis, æquali minor euadit. sic vt illius excessus, huius defectus habeatur: & contrà vnus defectus alterius excessui vicissim respondeat. Demum tempus ab occasu Solis elapsum, per eā horæ quantitatem diuide, exhibit hora quasita. In his autem partitionibus vtile fuerit, horas quantitatis diurnæ, ad minuta reducere: quod multiplicatione sexagenaria fieri (vt fragmentis vsuuenit astronomicis, quæ physica vocant) etiā cuius notum est. His verò horis singulis, dominatores singulos Planetarum septem, veteres attribuerunt. Atque hinc orta sunt dierum nomina ab ethnicis, primùm Babylonijs instituta: nam apud Latinos, veteres inquam, vix reperiatur. Si enim à Luna auspicatus die Luna, & Planetarum singulis, horarum 24 singulas dederis, tum vigesima quinta, quæ sequentis diei prima est, Marti attribuenda venit. Hinc fit vt dierum nomina interrupta sint: non enim Lunæ diem, Saturni sequitur, sed Martis: hunc non Solis nec Veneris, sed Mercurij dies, atque ita deinceps. Facile igitur fuerit cuius, habita hora inæquali, eius dominatorem reperire. Prima enim hora

semper Planetæ cedit, à quo dies nomen habet: dein per ordinem Planetarum inceditur, à superioribus ad inferiores: ab his rursus redeūdo ad illos, donec completæ sint horæ 24. Hæc tametsi difficultatis nihil habeant, rudioribus nihilominus exemplum apponere libet. Sol igitur inferius hemisphærium relinquens, hora plene quarta oriatur, sitq; die Ioui sacro nona: scire cupio quota inæqualis hora sit, quisq; Planetarū ei præsit. Quare horas subduco 4 ex 12, & horis octo residuis per duo multiplicatis, diei quantitatem 16 horarum produco: quæ per 60 multiplicata, scrupula 960 constituunt: quibus per 12 distributis, diuisorius numerus 80 scrupulorum se offert, horæ inæqualis diurnæ quantitas: per quam horas quinque ab ortu elapsas, ad scrupula 300 reductas partior: sicq; colligo horam diei tertiam elapsam, cū minutis 60 horæ quarta. Quapropter à Ioue descendens (cum is diei horæ primæ præfuerit: secundæ Mars, tertiæ Sol) Venerem dominatricem inuenio. Haud me latet tamen, esse hac tempestate nonnullos, qui hæc Planetarum dominia ex signorum ascensionibus, quæ interdum supra horizontem emergunt, dimeiri malint, medietatis signorū ascensibus singulis, horas tribuendo singulas: ita fit ut non tantum diurnæ horæ nocturnis,

verum

verumetiam inuicem existant inæquales. Sed
 vtra efficacior ratio sit dicere velle, huius insti-
 tuti cum minime videatur, aliorum esto iudi-
 cium, mihi sat est indicasse modum. Solent præ-
 terea alij tabulam vel aliud quippiam, ex quo
 Planetarum dominia sumuntur, hic apponere:
 sed res ipsa minus difficultatis habet, quàm vt
 ijs indigeat.

Ab ortu vel occasu Solis, quo-
 ta hora sit, inuestigare.

Caput XI.

Q Vibusdam nationibus mos est, à Solis
 ortu in sequentem ortum horas suppu-
 tare: nonnullis ab occasu. vtrumq; facili negotio
 habebitur. Si igitur quota ab ortu Solis hora sit,
 indagare libeat, quære per caput præcedens,
 quota hora Sol oriatur, nostra consuetudine
 seruata (supputationis nimirum exordio à no-
 cte media vel meridie sumpto) secundo vide
 quota etiam hora sit, more inquam nostro: qua
 si fuerit ante meridiem, ex ea subduc horas or-
 tus solis: sin post meridiem fuerit, adde horas
 occasus Solis, emergent ab ortu Solis elapsæ ho-
 ræ. Vt oriatur in exemplum Sol, more nostro,
 quinta hora, horologij verò index horam deci-

*mam cum quadrante indicet: ex quibus subduc
horas quinque, restant quinque cum quadran-
te, horæ ab ortu Solis elapsæ. Si verò idem ho-
rologij index tertiam pomeridianam common-
stret, eam ab ortu decimam esse dico: cùm eo-
dem die septima Sol occidat, quo quinta hora
supra nostrum finitorem ascendit. Hinc apud
Persium legimus. quinta cum linea tangitur
vmbra. Huiusmodi quoq; morem Iudæis fuisse
horæ testantur, quarum nusquam non in sa-*

Matth. 27

Marc. 15.

Luc. 23.

Act. 2.

*cris literis mentio est. Sic apud Matthæum &
Marcum, Servator noster exclamasse dicitur
sexta hora. id est, si more loquamur nostro, duo
decima. Cui respondet, quòd apud Lucam est,
Tenebras esse factas à sexta in nonam horam.
à quibus duodecima nostra & tertia haud dis-
crepant. Apostolorum quoque princeps in actis
horæ tertiæ meminit: cui nostra nona ante me-
ridiem respondet. Simili ratione si placet ho-
ras ab occasu transactas arte inuestigare: Pri-
mum quære horam occasus, secundum vsum
nobis familiarem: deinde ratione eadem, quota
noctis hora sit. quæ si rursus mediam noctem
præcedat, aufer hinc occasus horam: sin noctem
sequatur mediam, adde horam ortus solis, vo-
tis poteris. Vi demus Solem, nostro more, ho-
ra occidere septima, sitq; iam decima hora cum
semisse*

semisse ante noctē mediam: 7. ex decem aufer.
restant 3. cum semisse horæ, quas ab occasu Sol
confecit. At si primam, post noctem mediam,
horologij index significauerit, adde ortus ho-
ras, quæ quinque sunt. fient itaque horæ sex.
Quibusdam etiam mos est, 24 horas nume-
rare. Hi si ab occasu initium fecerint, & hora
noctem mediam præcedat, occasus horam ex
ea subducant: sin sequatur, ortus horas eidem
adijcient, quod in meridiem vsque obseruent.
Pomeridianis verò horis etiam dictas, & 12.
præterea addant: ac his modis ab occasu elap-
sas horas semper colligent. Sin ab ortu cæpe-
rint, necdum meridies fuerit, ex elapsis horis or-
tus horam subducant: pomeridianis verò occa-
sus horas coniungant, eoq; modo in noctem vs-
que mediam pergant: at post mediam noctem
elapsis horis, occasus horas & 12 insuper ad-
dant: noscetur enim semper ab ortu verum ela-
psum tempus. Qui vero 12 tantum numerare
consueuerunt, ij quidquid ultra 12 excreuerit,
abijciant. Hæc, quia faciliora, exemplo minus
indigent. Qui etiam plura hac de re videre
cupiet, vsum folij populi Petri Apiani con-
sulat.

ASTRONOMICI ANNULI
De Solis & Stellarum
altitudine.

Caput XII.

*Solis vel
stellarum
altitudo
quid.*



*Altitudi-
nis finitio.*

*Solis meri-
diana alti-
tudo et stel-
le maxima
que.*

Altitudo Solis vel stellarū dicitur, non ut vulgus iudicat, quantum videlicet à terræ centro distent (id nāque interuallum commodè vel distātiā, non altitudinem appellamus) sed quot circuli partibus, Sol vel stella versus nostrum verticem supra finitorem eleuetur. Est enim in ipsis astronomis circuli, per verticem & punctū (cuius altitudo quæritur) missi (horizonte & circulo eidem parallelo per dictum punctum transeunte) interceptus arcus, desiderati puncti altitudo. Hæc paulatim augetur, donec cæli fastigium sol vel stella attingat: quæ Solis eo tempore meridiana: stellæ verò maxima altitudo dicitur. Hinc paulatim decrescit, donec in occasum Sol vel stella prolabatur. Quam in eum qui sequitur modum, nostro annulo addisces facile. Eo complicato, cura (modo fieri queat) ut partium latitudinis termino, parti inquam nonagesimæ, ansulæ medium affigatur: quo absoluto, dioptrarum altera Soli obijciatur: eaq̃ senfim, annulum intimum circunducendo, attollatur, deprimaturve, donec vtriusq̃ foramen Solaris

laris radius trāseat. Hinc notētur partes quas pinnacidium indicat: eā namq; Solis altitudinem ostendunt. Vel si ansulam remouere haud libeat, eiusdem medietate & pinnacidio conclusæ partes supputētur: quæ ex 90 subductæ, quātum dato momento supra finientem Sol attollatur, relinquunt. Noctu quoq; si stellarū altitudines capere animus sit, haud secus agito: verū has per tabellarum latera, quòd radios nō projiciant, conspicias necesse est: alioquin idem inuestigandi modus. Quod si ei quem diximus loco, ansula commodè affigi nequeat: filum alliges licet, ansula, ne tunc suo pondere errorem operationibus inducat, ablata.

Solis & stellarum altitudines
cœlo nubilo ac quolibet
tempore inquirere.

Cap. XIII.

DVabus de causis accidit, Solis, Lunæ & stellarum præcedenti modo altitudines haberi nequaquā posse: vna, quòd si cœlum nubilum sit, ac ob id conspici nequeant: altera, si alio quàm nunc fluente tempore, alicuius altitudinem videre desideres. Quare modum addere haud inutile visum fuit, quo omni diei hora, quantum

quantum Sol quolibet etiam tempore eleuetur, minimo negotio addiscere queas: modò diei hora & Solis loco haud destituaris. Quibus cognitis (commoditatis gratia ad Solis locum pinnacidiorum altero ducto) mobilis meridianus sic constituatur, ut eiusdem horaria linea, oblata horam in æquatore notet, nec ab eadem dimoueat: hinc circinum accipiens, puncto, in meridiani mobilis exterioris superficie medio, è regione Solis gradus locato, alterius cruris acie imposita ac inibi hærente, diligenter cures, ut latitudinis terminum vel situs tui zenith, alterum circini crus sua extremitate attingat, quem minime varians in æquatorem transferas: tempora namque vel partes cruribus interceptas si ex 90 subduxeris, Solis altitudinẽ dato momẽto relinqui necesse est. Si verò quàm altè supra finitorem, stella oblato quouis tempore ascenderit, nouisse cupias: ad eius declinationem pinnacidium alterum perducito, & meridiani mobilis horaria linea, stellæ horam oblato tempore indicante, ut prius, circini crura situs zenith & stellæ declinationi exquisite accommodans, altitudinis complementum nactus es. quo rursus ex partibus 90 ablato, stellæ altitudinem residuum ostendet. Quota verò, Solis cognita hora, eadem stella hora sit inuestigare,

gare, nihil difficultatis habet: si eorum, quæ
 quinto capite de nocturnis diximus, memine-
 ris: quo loco, vndecimam horam Capella indi-
 cante, veram Solis horam, nocturnam videli-
 cet nonam cum scrupulis 45 offendimus, idque
 accidere Decembris Idibus post Solis interi-
 rum. Sed nunc iuuat, lucidioris exempli gra-
 tia, Decembris Idibus hora noctis nona cum
 scrupulis 45, quantum supra finitorem nostrum
 Capella ascenderit, ratione dicta colligere.
 Quare pinnacidiorum alterum Capellæ decli-
 nationi adduco, & mobilem meridianum con-
 stituo, ut eiusdem horaria linea 45 scrupula
 decimæ horæ notet: quibus sic manentibus, pun-
 cto declinationis stellæ & latitudinis termino
 utrunque circini crus appono: quem ita di-
 stentum in æquatorem transfero, cuiusq; cruri-
 bus tempora seu partes 10 quasi intercipi video.
 quibus ex 90 subductis, ipsam stellam eo tem-
 pore partibus 80 quasi in nostro hemisphærio
 eleuatam fuisse concludo.

Cuiuslibet gradus eclypti-
 cæ declinationem
 supputare.

Cap. XIII.

Commo



Ommodiſſimum eſt nonnunquã par-
tium eclipticæ & ſtellarum declina-
tiones tenere: his enim cognitis, loco-
rum latitudines, Solis vel ſtellæ altitudine ma-
xima (quam meridianam vocant) etiam acceſ-
pta, minimo negotio (vt ſecundo ab hoc capite
oſtendemus) inueniri poſſunt. Fateor equidem
ex tabulis, declinationes ſupputari plenius poſ-
ſe: ſed quid ſi tabulæ, vt plerumq; vſuuenit, in
promptu haud ſint, & annulus haud deſit? pro-
fecto cuiusuis eclipticæ partis declinationem
addiſcere per facile erit. Sed eam Matheſeos ty-
ronibus, in quorum gratiam, has noſtras lucu-
bratiunculas potiſſimum in lucem dedimus,
prius deſiniendam cenſeo. Ea eſt arcus circuli
Declinatio
nis finitio. vt, vt mundi polum & declinantem partem
tranſeuntis, qui æquatore & circulo eidem pa-
rallelo, per dictam partem miſſo, includitur.
Eclipticæ namq; graduum & ſtellarum decli-
nationes à locorum latitudinibus minime diſſe-
runt. Si igitur quantum aliquis Zodiaci gra-
dus declinet, nouiſſe deſideres, alterum pinnaci-
dium eidem meridiani mobilis laterali ſuperfi-
ciei inſculpto, quàm exaſſime ad moueto: oppo-
ſitum namq; in eadem meridiani ſuperficie, de-
clinationem quantam dictus gradus ſortiat, pa-
tefaciet. Vt detur in exemplum, duodeuige-
ſimi

fimi Arietis gradus inuestiganda declinatio, ei altero pinnacidiorum adducto, video alterū quasi partes notare 7 veram dicti gradus ad arctos declinationem. Ne tamen aliqua in re studiosis defuisse videremur, declinationum tabulam adijcere operæpretium duximus, quantum declinationis zodiaci quilibet gradus sortiaturs ostendentem, eiusdem nonagesimo gradu (ab æquatore factò supputationis initio) partes 23 scrupula 28 declinante, cum differentijs adijciendis, si quidem dictus signiferi gradus partes 23 cum scrupulis 52 declinarit: ex qua Arithmetices studiosus, ad quamvis maximam Solis declinationem (diuersis temporum interuallis variam) cuiuslibet gradus signiferi declinationem facile supputabit.

D

Tabula

Tabula Declinationum signiferi graduum.

Declina.		Differentia		Zodiaci	Declina.		Differentia		Zodiaci	Declina.		Differentia		Zodiaci
par.	scr.	scr.	gra.		par.	scr.	scr.	gra.		par.	scr.	scr.	gra.	
0	24	0	30	1	11	50	11	30	1	20	23	20	30	1
0	48	0	29	2	12	11	12	29	2	20	25	21	29	2
1	12	1	18	3	12	32	12	18	3	20	47	21	28	3
1	36	2	27	4	12	52	13	27	4	20	58	21	27	4
2	0	2	26	5	12	12	13	26	5	21	9	21	26	5
2	23	2	25	6	12	32	14	25	6	21	19	22	25	6
2	47	3	24	7	12	52	14	24	7	21	30	22	24	7
3	11	3	23	8	13	12	14	23	8	21	40	22	23	8
3	35	4	22	9	14	31	14	22	9	21	49	22	22	9
3	58	4	21	10	14	50	14	21	10	21	58	22	21	10
4	22	4	20	11	15	9	15	20	11	22	7	22	20	11
4	45	4	19	12	15	27	15	19	12	22	15	23	19	12
5	9	5	18	13	15	46	16	18	13	22	23	23	18	13
5	32	5	17	14	16	4	16	17	14	22	30	23	17	14
5	55	5	16	15	16	22	16	16	15	22	37	23	16	15
6	19	6	15	16	16	39	17	15	16	22	44	23	15	16
6	41	6	14	17	16	56	17	14	17	22	50	23	14	17
7	4	7	13	18	17	13	17	13	18	22	55	23	13	18
7	27	7	12	19	17	30	18	12	19	23	1	24	12	19
7	49	8	11	20	17	46	18	11	20	23	5	24	11	20
8	12	8	10	21	18	1	18	10	21	23	10	24	10	21
8	34	8	9	22	18	17	18	9	22	23	13	24	9	22
8	57	9	8	23	18	32	19	8	23	23	17	24	8	23
9	19	9	7	24	18	47	19	7	24	23	20	24	7	24
9	41	9	6	25	19	2	19	6	25	23	22	24	6	25
3	10	10	5	26	19	16	19	5	26	23	24	24	5	26
10	25	10	4	27	19	30	20	4	27	23	26	24	4	27
10	46	10	3	28	19	44	20	3	28	23	27	24	3	28
11	8	10	2	29	19	57	20	2	29	23	28	24	2	29
11	29	11	1	30	20	10	20	1	30	23	28	24	1	30

Aliquot Stellarum de-
clinationes in-
uenire.

Cap. XV.

SteLLarum quoque declinationes, quarum nomina annulo insculpta sunt, nec difficili-
iori negotio haberi possunt: si namque, ut pra-
cedenti capite, pinnacidiorum alterum stellæ
nomini, in meridiani mobilis exteriori superfi-
cie scalpto, admoueris, idem vel oppositum,
quæsitâ stellæ declinationē patefaciet. Ut Hir-
cō primæ magnitudinis stellæ, de qua in præce cap. 5. &
dentibus, pinnacidiorum alterum si adduxero, 14.
videbo ab alterutro partium 45. borealem de-
clinationem indicari. Sic eiusdem magnitudi-
nis stellam, quæ in ore canis collocata fertur,
omnium cælo hærentium (quæ in nostrum con-
spectum veniunt) splendidissima & maxima,
partes 15. cum dodrante meridiem versus de-
clinare comperio. Sed in eorum gratiam, qui
exquisitâ operationē ubiq; amant, & quia huius-
modi instrumēta plerumq; minora sunt, quā
ut in omnibus operandi modis scrupula ad-
mittant: aliquot insignium stellarum declinatio-
nes continentem tabulam, adijcere placuit.

Qui pluriū cognoscere vult, hunc ad directionis tabularum secundum problema, Ioannis Regiomontani relegandum censeo, quo vir matheseos peritissimus, stellarum declinationes supputandi modum luculenter ostendit.

Aliquor

Aliquot insignium cœlo hærentium stellarum declinationes.

	Declinatio part. scr.			Declinatio part. scr.		
	86	24			18	
<i>Caude extrema vrse minoris, quam pola- rem dicunt.</i>	57	0	<i>Orionis cingulum.</i>	1	45	
<i>Vrse minoris, extre- ma caude.</i>	54	15		2	20	
<i>Cassiopee pectus.</i>	52	15	<i>Eiusdem sinister pes.</i>	9	16	
<i>Draconis,</i>	} <i>Caput.</i>	55	<i>Lucida hydrae.</i>	5	0	
<i>Meduse,</i>			<i>Virginis spiræ.</i>	9	45	
<i>Herculis,</i>			<i>Lanx septentrionalis.</i>	7	40	
<i>Ophiuchi,</i>	13	10	<i>Lanx meridionalis.</i>	13	50	
<i>Hircus seu Capella.</i>	45	0	<i>Quæ in ore canis ma.</i>	15	47	
<i>Oloris cauda.</i>	44	0	<i>Venter ceti.</i>	12	12	
<i>Lyra quæ & fidicula</i>	38	40	<i>Fundus vasis.</i>	16	12	
<i>Coronæ septentrionalis lucida.</i>	28	30	<i>Sagittæ genu sinistrũ.</i>	47	0	
<i>Humerus</i>	13	20	<i>Aquarij crus.</i>	17	30	
<i>Pegasi Crus, (ma</i>	25	30	<i>Corni dextra ala.</i>	17	0	
<i>Ale extre-</i>	12	45	<i>Scorpij Aculeus.</i>	36	12	
<i>Arcturus.</i>	22	0	<i>Scorpij Cor.</i>	24	47	
<i>Præsepe.</i>	20	30	<i>Fusiõis aquar. extre.</i>	33	30	
<i>Geminorũ</i>	} <i>Anter.</i>	10		17	27	
<i>caput.</i>			<i>Capricorni cauda.</i>	17	55	
	} <i>Sequens.</i>		<i>Eridani extrema.</i>	40	50	
<i>Pleiadum medium.</i>	22	52				
<i>Tauri oculus.</i>	15	43				
<i>Leonis</i>	} <i>Cor,</i>	32				
	} <i>Cauda.</i>					
	16	35				
<i>Quæ in Procyonis fe- more.</i>	6	0				
<i>Orionis dexter hume- rus.</i>	6	20				

Haec declinationem australem sortiuntur.

Solis meridiana, vel stellarum maxima altitudine obseruata,
 locorum latitudines
 indagare.

Caput XVI.

Cap. 3.



Olliciti initio sumus nos modum ostē-
 suros, quo commodius quā eo capi-
 te diximus, locorum latitudines inue-
 stigari possent. Id autem hucusq, differre vtile
 visum fuit, quōd cū Solis & stellarum decli-
 nationis, tum maximæ altitudinis (de quibus
 his duobus capitibus proximis differuimus) nul-
 la fuisset habita mentio. Hoc autem (taceo a-
 stronomos, quibus multorum instrumentorum
 vsus nusquam esse poterit, vbi situs latitudinē
 ignorarint) quantam nautis commoditatē ad-
 ferat, procul dubio haud dicere queam: maxi-
 me cū aduersa ventorum vi marisve tempe-
 state, vel alio præter opinionem alioquin incō-
 modo, in tractum deuecti sunt, cuius notitia,
 etiam omnium extremo rerum periculo, carere
 haud possunt. quem nouisse tamen nequeunt la-
 titudine ignota: cui si longitudo accedat, pun-
 ctum hercule orbis quo degunt, teneant necesse
 est. sed horum ne fortassis plus satis, ad rem ve-
 niamus, Interdiu igitur situs tui latitudinem
 inda-

indagaturus, Solis meridianam altitudinem annulo accurate obserua, & loci quem eo die in ecliptica tenet, ex præcedētibz declinationē ac Cap. 14. cipe. Ea si borealis fuerit, ex meridiana prius inuenta altitudine, subducta, æquatoris quo va garis loco altitudinem relinquit: quam semper ex circuli quadrante si auferas, ostendit residuus numerus, Zenith ab æquatore in meridia- no distantiam, loci inquam latitudinē. Sin con- trà austrum versus Sol declinet, inuenta alti- tudini declinationem adijcias: collectum verò arcum si, vt prius, ex 90 partibus subducas, voti iterum compos factus es. Exemplaris dis- cursus rem minime obscuram illustrabit ma- xime. Sit quis ignoto loco, cuius ab æquatore distantiam habere desideret, idq; tertio Aprilis Calendas accadat, quo Sol duodeuigesimum Arietis gradum cum semisse quasi occupat cæ- li fastigium attingens, cuius declinatio parti- um 7, scrupulorum 16 est: Solis verò meridiē accurate obseruatam altitudinem partium 46 scrupulorum 16 inueniat, ex qua declinatio- nem partium 7 scrupulorū 16 vtpote septentrio- nalem subducat: nec minus partes 39 residu- as ex 90 auferat, latitudinem loci incognitam, quantam fere Louanij experimur, 51 partium residuum ostendet. Hinc facile colliget stu-

diosus lector, si nullam Sol declinationem sortiatur, nimirum sub æquatore decurrēs (quod nostro sæculo quarto Martij Idus, & duodevigesimo quasi Octobris Calendas accidit) his diebus ex circuli quadrante meridiana altitudine subducta, regionis latitudinem relinqui. Noctu verò si per stellas, in latitudinis cognitionem venire desideres, vnius altitudinē meridianam addiscas necesse est, quam stella obtinet dum sub meridiano constiterit: cui meridionali declinatione adiecta, vel septentrionali adempta, & arcu, hoc aut illo modo quem obtinisti, ex 90 partibus iterū subducto, loci ignorantiam latitudinem nactus es. Si igitur stellæ neutro declinantis, maximam obseruatam altitudinem ex quadrante subducas, haud secus ac prius voto positus es. Hæc autem cum quantumuis etiam rudi dicta sufficiant, pluribus verbis declarare superfluum foret.

stella maxima altitudo quau-
do.

Solis locum & mensis
 diem venari.
 Caput XVII.



Abito mensis die, Solis gradum inuestigare secundo capite ostendimus: qua verò ratione Solis gradu inuen-

ro, quo-

eo, quotus mensis dies sit contrà inueniri queat, nunc paucis expediemus. Omnibus igitur armillis complicatis, ac meridiani mobilis medietate signorum declinationes continente, Soli sub meridiano adamussim constituto, obiecta, & tabellarum altera huc perducta, annuloq; exscitus latitudine liberè pendente, intimum hac illac paulatim circumducas, donec solaris radius vtriusq; tabellæ foramen transeat. His accurate absolutis, diligenter perpende quem gradum, Soli obiectum pinnacidium indicet, qui cuius signi sit (temporis anni ratione habita) quantumuis etiam quis rudis fuerit, facile discernet: atq; is est, quem eo die Sol in ecliptica tenens meridiem efficit, cui in æquatoris interiori superficie, si diem respondentem quasieris, quotus cuiusq; mēsis sit videbis facile. Exemplum rem minus intricatam rudioribus magis explicatam reddet. Solis igitur, ignota die sub meridiano adamussim cōstituti, in ecliptica locum, & ex eo mensis dies quotus agatur, Louanij indagare libeat. Omnibus armillis complicatis & ansula quinquagesimæ primæ latitudinis parti affixa, alteroq; pinnacidio (Solis gradibus in meridiani mobilis laterali superficie scalpitis) adducto & Soli obiecto, eiusq; radijs per vtriusque tabellæ foramen diligenti cura ac-

58 ASTRONOMICI ANNULI
ceptis, si dictum pinnacidium, 16 tauri gradum
cum semisse indicarit, hunc verum id tēporis in
zodiaco Solis locum dixerō: quo in æquinoctia
lis laterali superficie inuento, eidem in superfi-
cie interiori respondere video quartum Maij
Calendas mensis diem, quem etiam nōsse stude-
bam. Quod si quispiam fortassis obijciat se nescire,
quando sub meridiano Sol directō consti-
tuatur, is semel ac denuo id experiatur, donec
maximam altitudinem obseruari, maxima
quandoquidem meridiana est. Nihilominus po-
terit quoque per meridiēi obseruationem idem
experi, huius per annulum inuestigandi mo-
dum: eūque facili capite vigesimoprimo da-
bimus.

Idem, meridiana Solis obser-
uata altitudine, etiam
indagare.

Cap. XVIII.

QUæ præcedenti capite complexi sumus,
sola meridiana altitudine, annulo vel
alioquin quadrante magno, obseruata, etiam
obtineas licet. Ea namque, Sole meridiē versus
declinante, si ex latitudinis cōplemento subtrahatur,
& residuo arcui tanquam declinationi
australi,

australi, ex declinationum tabula tertio ab hoc capite posita (temporis anni ratione habita) signiferi respondens gradus quærat, is procul dubio est cum quo Sol eo die cælum mediat: cui in æquatore pars adherens, quotus ipsius mēsis dies sit (ut præcedenti capite diximus) indicat. Sin contrà ab æquatore borealis Sol reperiat, latitudinis complemento ex meridiana altitudine subducto, residuo arcui utpote boreali declinationi, haud secus ac prius, eclipticæ respondens gradus, eo die Solis est cum quo meridianum præterlabitur: quotus verò mensis dies quærendus nunc sit, ex præcedentibus liquet. Latitudinis autem complementum vocamus, ex 90 partibus latitudine subducta, arcum residuum. Ut 51 partes quasi latitudinis, quibus Louanij situs ab æquatore dissidere fertur, si ex 90 subduxeris, 39 partium latitudinis complementum offendes. Exemplo, quæ dicta sunt compendiosius, forte commodius assequeris. Sit motu primæ spheræ (quem rapius vocant) Louanij ad meridiem Sol perductus: eius verò locum, & quoto id mensis die contingat ignorem, utrumque verò cognoscere iuuet. Eo ipso igitur momento Solis altitudo exquisite obseruata, 22 partium cum triente deprehendatur: hæc verò, quòd latitudinis complemento (ibidem

(ibidem partiū 39) minor existat, Solis australem declinationē arguit. Altitudine igitur ex latitudinis complemento subducta, residuum partium 16 cum besse, ex præcedenti declinationum tabula Scorpij 16, vel Aquarij 14 in meridiem tantundem declinare ostendit: verum utrius signi gradus sumendus sit, ipsum anni tempus indicat. Nunc igitur Solis locum nactus, Scorpij decimum sextum exempli causa, cum eodem ad æquatoris lateralem superficiem me conferens, quartum Nouembris Calendas quasi comperio, notum quo hæc expertus sum mensis diem. Poteris etiam si libeat, Sole meridiem versus declinante, altitudinem cum latitudine ex partibus 90 subducere: vel ad arctos declinante, 90 partes ex altitudine cum latitudine auferre. verum utro opereris modo, semper eundem declinationis arcum offendes.

Idem quauis diei hora
inquirere.

Caput XIX.

DUplici via Solis locum, & ex eo mensis diem indagare, proximis duobus capitibus ostendimus. Sed quod utrumque modum diei statò tempore, meridiē videlicet, fieri oporteat,

reat, ob id habere incommoditatis quid illa videri possent, modum addere placuit, quo diei quauis hora eadem obtinere etiam queas. Hæc exploraturus, horam plenè & sine omni errore teneas oportet. Quare eā, quam solare horoscopium, potius q̃ alterius horologij index ostēdat, accepisse præstiterit. Hac cognita, eodē momento ad Solis declinationes altero pinnacidio ducto, omnibus etiam explicatis armillis, annuloque ex situs latitudine liberè pendente, & meridiani mobilis horaria linea cognitam horam perfectè indicante, ac prorsus ibidem hærente, pinnacidioq̃ dicto Soli obiecto, idem, annulum intimum gradatim circumgirando, eleuato deprimito ve, quousq̃ solaris radius vtriusq̃ tabellæ foramen transeat. quibus absolutis, dictum pinnacidium, quē eo die Sol in zodiaco gradū describat, perfectè ostendet: qui cū signis duobus inseruiat, vtri attribuendus sit, ipsum anni tempus insinuat. Nunc igitur Solis gradum nactus, si mensis diem ignoraueris, eum in æquatoris interiori superficie, vt sæpe monuimus, offendes. Atqui præcedentiū si memineris, quòd operandi ratio obscuritatis nihil habitura sit, breuitati consulentes exemplum etiam studio omisimus: id tantum adiicientes, quòd duodecimesimi Aprilis diu vndecima hora id explorare

62 ASTRONOMICI ANNVLI
plorare Louanij quis conatus, decimumsepti-
mum tauri gradum Solem describere experie-
tur.

Solis etiam minime conspiciui,
meridianam altitudinem
quolibet tempore
obtinere.

Caput XX.

FIt interdum vt cælo nubilo, Solis altitu-
do meridie capi haud commode possit: vel
quòd alia quàm duodecima hora, eiusdem me-
ridiana altitudo vsui futura sit. Sed horum v-
trum accidat, annulo eam addisces facile. So-
lis igitur meridie eiusdem diei quam habet ex
præcedentibus declinationem accipe: qua modò
australis reperiatur, ex situs tui latitudinis cõ-
plemento subducta, meridianam altitudinem
quæ sui diei relinquit: sin contrà ad arctos Sol
declinarit, latitudinis cõplemento declinatione
adiecta, simili ratione qua prius, quàm alte in
eadem latitudine, Sol meridie eiusdem diei su-
pra finientem eleuetur, quod colligitur insinu-
at. Hæc tametsi paucis dicta, etiam difficulta-
te omni careant, studiosis exemplum nihilomi-
nus apponere libet. Louanij igitur quinto Ca-
lendas Iunias, qua altitudine supra finientem

Sol

Sol meridie attollatur inuestigaturus, per caput secundum eius locum inuicium geminorum decimum sextum, ad arctos 22 part. cum 45. scrup. quasi, ex decimoquarto capite declinare reperio: quibus latitudinis complemento partiū 39 adiecto, arcum 61 part. cum dodrante colligo, quibus in nostro hemisphærio eius diei meridie Sol sese attollit. Stellarum quoque annulo insculptarum, idem maximas inquirendi altitudines modus est. Si namq, declinantium, boreales annulo inuētas declinationes latitudinis tuæ complemento adijcias, vel eidem meridionales adimas: qui se hoc aut illo modo arcus offeret, sub tuo meridiano stellæ eleuationem ostendet. Stellarum verò neutro declinantium maxime altitudines, latitudinis complementum æquant. Haud minus Sol si quando meridie sub æquatore decurrat, latitudinem complet. quanta igitur id temporis eius altitudo habeatur, ex 90 partibus suis latitudine subtracta, residuum indicat.

Meridianam lineam plano
inscribere.

Caput XXI.

Hæc

HÆc res pluribus Astronomicis negotijs magnam commoditatem adfert, cuius ubiq; varij extant modi. Verum quia nonnullos meridiæ (cuius difficilis observatio) molestos: alios, statis diei temporibus, incommodos: tertios, qui acus adminiculo magnete tactæ observantur (ob variam in diuersis tractibus à septentrione, acus declinationem) incertos esse: quartos, longos, ac propterea tedium studiosis adferre, haud ignoro: modum addere placuit facilem, commodum, certum ac breuem, quo interdum qualibet etiam hora, id expedire in eum qui sequitur modum, nullo fere negotio queas. Altero pinnacidio ad Solis locum accurate perducto, & armillis explicatis, meridianoque mobili sic collocato, ut dictum pinnacidium eam mundi plagam respiciat, quam dato tempore Sol occupat: & instrumento secundum situs ab æquatore distantiam, è re quapiam liberè pendente: versatilem meridianum elevato deprimitoque, quousque solaris radius tabellarum foramina transeat. Hinc annulo immoto per manente, per lateralem meridiani (cui ansula affigitur) planam superficiem, quasi monophthalmus punctum in pariete, vel alioquin opposita superficie, visu notato. Quibus absolutus, ad oppositam annuli partem te conferens, per meridiani

vidiani eandem superficiem, punctum priori oppositum oculo observato: à quo (annulo, ne impedimento nunc sit, semoto) ad prius notatum punctum filum tenuissimum extendito. Huius ductum imitatus, si in plana aliqua superficie lineam duxeris, meridianam procul dubio etiā ratione nactus es: ex qua rectissime seu ad perpendicularum, erecti stili umbra si quando ei coincidat, sub meridiano Solem constitui arguit, quod ingentem lucem quibusdam precedentibus capitibus adfert. Sed studiosum hic admonitum velim, nusquā quā in cubiculo se commodius hæc experturum sciat, Solis radijs per fenestram admissis.

Quo horizontis puncto, Sol vel
stella quolibet die oria-
tur & occidat.

Cap. XXII.

S Tellas semper eodem finitoris puncto emer-
gere ac demergi, situs latitudine non mu-
tata, dubium opinor esse nemini. Solem verò
ortus & interitus punctum (quod eorundem ze-
nith nonnulli appellant) etiam latitudine eadē
servata, quotidie diuersum sortiri, tantundem
arbitror. Quo enim borealis polus altius ex-
E tollitur,

tollitur, eo ad arctos Sol declinans, à finientis
 & æquatoris sectione remotior ascendit descen-
 ditq; Septentrioni vicinior. Similiratione au-
 stralem declinationem nactus, emergēs, seq; de-
 mergens, ab eadem interseccionē ad Austrum
 accedit propius. Contrà quanto arcticus polus
 fit depressior, tanto hi ortus & occasus minus
 variant. De altero polorum idem censendum
 relinquimus. atque hæc omnia, sphaera oculis
 obiecta, cernuntur commodius. Qua de re tri-
 plicem ortum & occasum plerique veterum me-
 rito distinxere: Æquinoctialem, quem verum
 etiam dicunt, quo Sol oritur occiditq; Arietem
 vel Libram ingressus: qui eodem finitoris pun-
 cto inter polū vtrumq; medio, in quouis tractu
 orbis contingit: Æstivum, quem Cancrī prin-
 cipium tenens efficit: qui & solstitialis appella-
 tur, quòd veri solstitij tempore accidat: Hyber-
 num, quo oritur occiditque Capricorni tropi-
 cum describens: quem & brumalem semper ve-
 teribus dictum reperias, quòd media bruma
 contingat: tamen si eundem neotericorum qui-
 dam etiam solsticialem sæpenumero vocent.
 His recte intellectis, si quantum à vero seu æ-
 quinoctiali ortu Septentrionem vel Austrum
 versus, Sol in finiente constitutus recedat, addis-
 cere cupias, sic agito. Plano alicui, quod hori-
 zoni

zonti parallelum sit, vel ad libellam, (ut vo-
 cant) constituto, in quo meridiana linea ducta
 sit, complicatum annulum sic superposito, ut
 uterque mobilis meridiani polus, dicta linea
 adamussim respondeat, nec ab eadem remouea-
 tur: omnibusq; obstaculis remotis (loco enim a-
 prico fiat necesse est) pinnacidia horsum & il-
 lorsum paulatim circumducas, polis meridiana
 linea semper respondentibus, donec tabellarum
 foramina Solis radius transeat, aut per earum
 latera Solem ipse conspicias: sic enim in late-
 rali meridiani mobilis superficie, quantum ab
 æquinoctiali ortu, Sol emergens eo die distan-
 tiam sortiatur, pinnacidiorum alterum osten-
 det, quam ortus amplitudinem nonnulli vocat,
 à parte annuli ortui respondente facto suppu-
 tationis initio. Quod si quàm latè à vero occa-
 su sese demergat, nosse desideres: eo sub hori-
 zonta descendente, quæ diximus serues oportet.
 Verum ita res habet, ut quot horizontis
 partibus, emergens ab ortu æquinoctiali di-
 stiterit: totidem ab occasu vero (minimo dis-
 crimine dempto) versus eandem plagam, eo-
 dem die sese demergens conspiciatur. Quod si
 contingat, Solis radios dioptrarum foramina
 baud penetrare, neq; per earundem latera te con-
 spicere ipsum commodè posse, signū notato quod

absit longius, ac inter te & emergentem Solem
 constitutum, quod eius vice fungens rimeris li-
 cet. Nec dissimili ratione, stellarum ortus &
 interitus puncta, in finitore obseruabis: quod
 in constellationibus dignoscendis haud parum
 emolumenti adfert. Locorum etiam distantia
 in regionibus describendis, ex edito loco sic ob-
 seruari possent, vt facile colliget, qui Gemma
 libellum ea de re viderit, quem Cosmographia
 Petri Apiani adiiciendum curauit. Sed cum
 hac, quouis circulo (vt solet) in 360 partes distri-
 buto, cum volubili indice & tabellis duabus, o-
 mnia obtinere queas, nolumus hic æquo proli-
 xiores esse: verum breuitatis causa, stu-
 diosis ingenijs multa & varia,
 cum excogitanda tum in-
 uestiganda relin-
 quimus.

Finis prioris partu.

ARGVMENTVM POSTERIO⁶⁹

ris partis, authore Francisco Hyman-
no Gandensi, P L.

Hic varijs alias pergit rationibus arces
Metiri: traditque modos, vt siue per vmbas,
Seu numeris, vmbraue styli aut gnomoni idipsum
Aut facta statione vna tentaueris, vsus
Succedat, sumptumque probet res nota laborem.
Quin & inaccessæ si res per flumina, fossas,
Aut valles fuerint: poteris stationibus illas
Per numeros ductis metiri, idemque doceris
Et sine præsidio numerorum. scilicet artem
Omnibus indoctis istam traditque peritis.
Tunc ab inaccessu si forte cacumine quæras
Quot spacijs absis, rerumque in monte sitarum
Certa interstitia & veros cognoscere fines,
Distantesque suis spacijs includere terras,
Atque profundarum mensuras discere aquarum,
Posteriore isthæc te singula parte libellus
Aureus insigni & facili ratione docebit.

Posterioris partis Capita.

Altitudinum per vmbas dimensio. Cap. I.

Idem calculorum ratione addiscere. Cap. II.

Stili seu gnomonis vmbra idem inuestigare. Ca.
III.

Vnica facta statione altitudinē dimetiri. Ca. IIII.

De inaccessarum rerū altitudine capiēda. Ca. V.

Sine calculorum ratione idem obtinere. Cap. VI.

Quantū altitudine inaccessa absis, dimetiri. Cap.
VII.

Rerū edito loco sitarū longitudes inuestigare.
Cap. VIII.

Idem faciliiori modo obtinere. Cap. IX.

De distantiarum mensuratione. Cap. X.

Profunditatum dimensio, Cap. XI.



Prius verò quàm dimensionēs Geometricas aggrediamur, aliū quādam esse repetenda duximus, cum v̄ operationes ipsæ firmitus h̄reant, tum ne praxeos rationem prorsus ignoremus: h̄c enim tenentes, non solum commodius, quin etiam omnes qui deinceps sequentur dimensionum modos, certius longè expediemus. Quis enim mortalium obsecro ingenio vsq; adeo Dædalico est, qui alicuius praxeos gnarus, quod instituit cōmodius perfecturus non sit, praxi si ratio vel demonstratio accedat? quæ profecto si vsquam, procul dubia in Matheseos disciplinis maxime Geometria est. sed ad rem. Quātitatem esse quæ res aliqua quāta dicitur, Aristoteles definit. H̄c bipartitam esse, dubiū nemini: intermissam vel discretam vnam, cōtinuam alteram. Hæc verò (illa quòd instituto minimè seruiat missa) tres cōplectitur, tēpore excepto, dimensionū species. Præter tempus enim continuū quicquid dicitur, longū, latum, aut profundū, linea, superficies, aut corpus sit oportet. quorū hoc, longitudine, latitudine & profunditate constans, superficiebus conclusum, quantū sit, Stereometria edocet: superficies longa & lata, lineis terminata, quàm sit capax inuestigandi viam, Planimetria ostendit: linea tandem omnis dimensionis præter longitudinem

dinem expers, punctis finita, sursum deorsum ve
 aut in plano ducta, quàm sit longa, *Altimetria*
 demonstrat. Hæc est ea *Geometriae* pars, de
 qua in sequentibus ad finem vsq; dicturi sumus:
 quæ quàm res alta, profunda aut lata sit, quan
 tove interuallo distet, noto mensuræ genere ali
 quoties sumpto indicat. Atq; in hunc vsum vete
 res, maxime *Aegyptij*, ob *Nili* exundationem
 limites confundentem *Geometriae* studiosissimi,
 varia instrumenta excogitarunt: quorū vnum
 quadratum est, quod geometricū vocant, instru
 mētum quatuor regulis æqualibus constās, quæ
 costæ appellantur, ad rectos angulos compositis,
 cū volubili indice, cuius duo latera cōcurrētia,
 in duodenas partes æquas primaria diuisiōe di
 stributa sunt: quæ denuo in alias particulas
 (prout instrumenti capacitas fert) plures vel
 pauciores dissectæ sunt: quibus nostri annuli
 inæquales partes, laterali meridiani vel æqua
 toris superficiei insculptæ, prorsus respondēt, ac
 eundem cum illis vsum obtinent. Quod enim
 inæquales, minimè mirum, cū rectæ in circu
 lo subtensæ lineæ, partes æquales in periphe
 riam traductæ sint, semidiametris per easdem
 partes ductis id significantibus: ut cuius in
 spicienti notū esse poterit, si per eas quæ sunt in
 altera *Astrolabij* facie (quam dorsum vocant)

scala inquam Geometrica partes (sic enim eas appellant) lineas à centro ad limbum imagine-
tur ductas. Notabuntur siquidem in ambitu
partes, quæ nostri annuli partibus prorsus con-
gruent: quarum altera, à similitudine quam
cum erectarum rerum umbris seruant, haud
secus atque illa, umbra recta: altera, quod ver-
sarum rerum umbris respondeant, versa um-
bra partes dicentur. His rectè intellectis, vnius
operationis demonstrationem adiiciamus, ex
qua Geometria studiosus, ceteros qui deinceps
sequentur dimensionum modos, demonstrabit
facile: cum in omnibus eadem quodammodo sit
demonstrandi ratio, quod ubique orthogonij
trianguli sese offerant. Sit igitur, domus, tur-
ris, aut edificij capienda altitudo $e f$: & accu-
rata monophthalma inspectione (ut sequenti-
bus capitibus præcipiemus) per tabellarum la-
tera altitudinis fastigio observato, pinnaci-
dium recta umbra partes 4 notet, dico altitu-
dinem $e f$ triplam habere rationem ad interual-
lum $c d$: adeo si hoc pedes 30 contineat, turris
pedibus 90 alta esse dicatur, quod sequenti raz-
ione demonstrari poterit. Triangulus namq;
 $d e f$ orthogonius est, quod edificia horizontis
plano ~~orthogonijs~~ insistant. quare rectus est qui adest
angulus, cui per structuram aequalis est $a b e$
scala



scala angu-
 lus (lucidio-
 ris enim de-
 monstratio-
 nis gratia
 hic scala la-
 tera duxi-
 m⁹) et quia
 per hypo-
 thesim ab
 scalae latus,
 semper pa-
 rallelū alii
 rudini esse
 oportet,
 visus radi-
 us in rectū
 productus,
 donec pla-
 no in pun-
 cto d cōcur-
 rat, paral-
 lelis lineis
 nimirum ab
 & fe in-
 cidens, con-
 stituet dfe

2.3.1 angu-

angulum per 29 primi elementorum Euclidis, angulo $c a b$ prorsus æqualem. Verum quia attestante 32 eiusdem, tres angulos cuiusvis trianguli duos rectos æquare necesse est, sequitur tertium $e d f$, per tertiam animi conceptionem, reliquo $a e b$ angulo prorsus congruere. Triangulum igitur $d e f$, æquiangulum $a b c$ esse, necessarii cōcluditur. Atqui triangulorum æquiangulorum angulos æquales continentia latera, analoga seu proportionalia esse, quarta propositione sexti Euclides ait. Qua igitur ratione se habet $a b$, per operationis hypothesim partium 12, ad $b c$, operatione absoluta partium 4: eandem seruat $e f$ altitudo, ad interuallum $e d$, triplam nimirum, quod demonstrandum suscepimus. Quare ut prius, si pedes 30 interuallū capiat, altitudinem 90 continere ratio postulat.

Alium-

Altitudinum per vmbas
dimensio.

Caput primum.



BIBLIOTECA NAZ.
ROMA
VITTORIO EMANUELE

Nunc fausto sydere prædictarū partium
vsum explicemus. quibus aliquid dimē
surus, fige ansulam vt eiusdem medium, circu-
li quadrante à partium vmbra verse initio, &
semiperipheria à partium rectæ vmbra princi-
pio, suis cochleis vel quouis modo hæreat. Idq̃ in
omnibus dimētionibus perpetuū esto, cū ob com-
moditatē tum operationis certitudinem: nā filo
hic

hic uti, quo annulus suspendatur, praterquam quòd incommodum ac molestum, etiam suo periculo minime caret. Radiante igitur Sole, si umbrarum ratione dimetiri rerum altitudinis placeat, altera dioptra ad scalæ partes perducta, annulum còplicatum è manu vel re quapiam suspendito, altera solari radio obiecta: hinc intimum annulum, pinnacidium attollendo deprimendove, huc illuc paulatim circumducas, quousq; Solis radius, per tabellæ foramen missus, oppositũ transeat. His absolutis, si pinnacidium alterum è duodecimæ partis regione inueniatur, tunc omnium rerum umbræ suis rebus æquales sunt. qua de re, si cuiuspiam nota fuerit umbra, facilè in altitudinis notitiam deueniet, quandoquidem pares: idq; perpetuo fit cùm Solis altitudo 45 partium deprehenditur. Quòd si partem duodecimam pinnacidii non indicet, verùm aliquam rectæ umbræ partem (quod accidit Sole altius 45 partibus elevato) eo tempore rei altitudo suam umbram excedit, atq; ipsam ea ratione, qua 12 omnes scalæ partes, notatam à pinnacidio partem superant. Si igitur primam indicet, umbram duodecies accipies: si secundam, umbra sexies accepta altitudinem æquat: si tertiam, umbra quarte altitudinis pars est: quòd si quartam nota-

uerit *scala* partem, *umbram* ter accipiens *altitudinem* obtines. si *quintam*, ut *altitudo* innotescat, *umbram* bis & eiusdem duas *quintas* accipies: si *sextam* indicet, *umbra* *altitudinis* *dimidium* est: si verò *septimam*, *umbra* cum *quinq;* *septinis* *altitudini* *aqualis* est: si autem *octauam* ostenderit partem, *altitudo* ad *umbram* *sesquialteram* *rationem* obtinet, quare eam semel cum *dimidia* parte sumes: si *nonam*, *umbra* *tertia* *sui* *parte* *altitudine* *minor* est, quare eam semel cum *tertia* parte accipiens *altitudinem* colliges: si *decimam* notari videas, *umbra* cum *quinta* *sui* *parte* *altitudini* *par* est: si tandem *vndecimam*, quia *altitudinis* ad *umbram* tunc *sesquiundecima* *ratio* est, hanc & eiusdem *vndecimam* partem sumēs, *altitudinē* quoque produces. hucusq; de *rectis* partibus. Verum si per *utriusq;* *dioptrae* *foramen* *Solis* *radijs* *missis*, *partes* *versa* *umbræ* *pinnacidium* ostendat (quod fit quandocunq; 45 partibus minus supra finientem Sol attollitur) indicio est, cuiusvis rei *umbram* tanto id temporis ipsa *altitudine* *longiorem* esse, quanto *pauciores* *partes* *pinnula* notauerit. Quoties enim pars tunc notata *duodenario* includitur, toties *altitudinem* *umbra* continet: adeo si *pinnacidium* *vnam* *versa* *umbræ* partem ostenderit, *duodecu*
plam

plam rationem ad altitudinem eiusdem vmbra habeat. duodecima igitur vmbra parte inuenta, altitudinem reperisti: si duas, vmbra sexta pars altitudinem aequat: si tres, quarta: si quatuor, tertia: sic cum ceteris partibus ratione agendum. Præterea quam interdum Sole radiante, corporum altitudines ad vmbraarum longitudines rationem seruant, eandem quoque noctu lucente luna obtinent. Poteris igitur noctu lunæ per tabellarum latera altitudine obseruata, etiam eadem ratione idem absoluere.

Idem calculorum ratione addiscere.

Cap. II.

Quod si Arithmetices haud ignarus, regula proportionum adminiculo id absoluere malis, pinnacidio rectas partes ostendere, duc vmbra longitudinem, quouis mensura noto genere acceptam in 12: per partes vero quas pinnacidium indicat, productum partire: numerus diuisorius desideratam altitudinem ostendet. Ut, demus absoluta operatione rectas partes notari 5, vmbra vero pedes continere 50: qui per 12 multiplicati, 600 producant: quibus per 5 diuisis, offert diuisionis numerus,

merus, 120 pedum quæsitam altitudinem. At-
 que hætenus de vmbra rectæ partibus. At si
 per tabellarum foramina Solis radijs admis-
 sis, partes versas observari contingat: vmbra
 quantitate per notatas partes multiplicata, &
 producto per 12 distributo, longitudinem desi-
 deratam productus numerus ostendet. Exem-
 plum ne mittamus, quod sequitur esto. Turris
 aut edificij cuiuspiam vmbra 300 pedum sit:
 Sole utriusque dioptra foramen transeunte,
 partes vmbra versæ 4 observentur: per quas
 pedum 300 vmbra multiplicata, 1200 produ-
 cuntur: quibus per 12 diuisis, 100 pedum edifi-
 cij altitudo colligitur. Sed neminem latere ar-
 bitror, quòd planum cui vmbra superiacet,
 rectum cum altitudine angulum constituere o-
 porteat: & si pedibus dimetiri cupias, æquale
 sit necesse est, aut funiculi ministerio id perficiẽ-
 dum. quod in sequentibus quoq; perpetuò obser-
 uari volumus: alioquin operandi mo-
 do erroris aliquid hinc irrepere poss-
 set. atq; hæc omnia studiosis in-
 genijs corrigenda re-
 linquamus.

GEOMETRICAE SCALAE
Stiliseu Gnomonis umbra
idem inuestigare.


Cap. III.



EX præcedēti capite
satis perspicuum
esse arbitror, nū
quā umbras æ-
quari rebus, nisi
ad 45 partē alti-
tudinis Solascē-
derit. quare si
paucioribus ele-
uetur, umbras
rebus lōgiores es-
se: sin pluribus,
breuiores. Ut e-
nim Solis altitu-
do paulatim au-
getur, sic vicif-
sim decrescunt umbræ: contrā quemadmodum
eiusdem altitudo diminuitur, sic rerum umbræ
pedetentim crescere deprehenduntur (quādoqui-
dem de rerum erectarū, haud transuersarū um-
bris loquimur) Hinc fit, ut vnius augmentū,
alterius decremento: & vnius decrementum,
alterius

alterius augmento vicissim respōdeat. Ex quo
nunc colligimus, in regionibus quarum latitu-
dinis complementum cum solis declinatione ma-
xima, 45 partes haud superant vel aequant,
vmbra rebus nunquam pares futuras, sed quā
earum altitudines sint, semper longius porrigi
vmbra. Contrā in quibus haec 45 partes exce-
dunt vel equiparant, rebus vmbra quandoq;
aequales esse: atq; eo saepius, quo dicta declinatio
nis & complementi arcus partibus 45 maior
fuerit. Hinc sequitur, ijs qui sub frigidis zo-
nis degunt, rebus vmbra aequari vix vnquā:
sed quibus temperatam zonam natura dedit,
aliquo anni tempore rebus vmbra, aliquando
verò minime respondere. Quo enim die solis
meridiana altitudo, 45 partibus minor extite-
rit, nulla eius hora, ad aequalem rei altitudinē
vmbra decrescere poterit: verū si partes 45
meridiana altitudo excesserit, eodem die ante
& post meridiem, cum re vmbra aequalem fu-
turam haud ambigas. Postremo sub orbita so-
lis agentes, quod ipsum haud procul à vertica-
li puncto perpetuo decurrentem habeant, quo-
libet anni die bis sibi aequales vmbra res pro-
ijcere conspiciunt. Sed quorsum haec obsecro? ve
nimirum vmbra rationes, vbicunque etiā
locorum agas, commodius obserues. Poterit igi-

35 GEOMETRICAE SCALAE
 tur quissiam quod precedenti capite absolui-
 mus, baculi umbra etiam addiscere. Si enim
 alicui plano horizonti parallelo, stilus (quem
 gnomonem dicunt) $\pi\sigma\delta\varsigma$ $\delta\epsilon\varsigma\varsigma\iota\varsigma$ inseratur, & ra-
 diante sole, diligenter umbra longitudo note-
 tur (hac siquidem quam ad stilum ratione ob-
 tinet, eandem ablato tempore, & quamvis um-
 bram, ad suam rem habere cōcludat:) quare si
 umbram gnomō aquet, & quavis altitudo suae
 umbrae aequalis deprehendetur: sin longior, suā
 umbram eadē ratione altitudo excedet. Quod
 si breuior, nec secus ad suā umbrā qualibet al-
 titudo se habebit. Hæc cum difficilia minimē
 sint, exemplis merito supersedendum duximus.



Vna facta statione altitudinem
dimetiri.

Cap. IIII.

Quod de altitudinum dimensione per
vmbraꝝ rationes precedentibus ca-
pitibus diximus, licebit quoq; monophthalma
inspectione addiscere. Annulo igitur è manu
vel re quapiam (vt primo huius partis capite
monuimus) liberè suspensò, alteròque pinacidio
parti duodecimæ eiusdem scalæ admoto, accede
vel recede, quousq; per tabellarũ latera mēsu-
rãda rei fastigium intuearis. Quod si tũc per-
pendiculo ab oculo in terram demisso, locum
quo constiteris (quem stationis vocant) notaris,
dein quantum à re absueris metiaris, habes
eiusdem altitudinem à puncto altitudinis, o-
culo admissim seu ad libellam, vt vocant,
respondente sursum: quare si distantia tuam
staturam adieceris, totam rei altitudinem
colliges. Quod si idem obserues, sextæ parti ver-
sæ vmbrae pinacidio adducto: distantia di-
midium cum addita statura altitudinem rur-
sus æquabit. Si verò sextam rectæ vmbrae par-
tem pinacidium teneat, & antè vel retrò cedas,
quousq; per dioptrarũ latera cacumẽ rei oculo
occurrat: distantiã bis & staturam semel acci-
piens.

piens, altitudinem ut prius produces. De ceteris umbra recta aut versa partibus idem censendum relinquimus. At si, quocumque constitueris loco, rei altitudinem dimetiri libeat, annulum pinnulas deferentem hac illac paulatim circumducas, quousque saepius dicto modo altitudinis cacumen videas, notesque diligenter viros scala partes & quot pinacidium indicet: quae si umbra recta fuerint, distantia noto mensurae genere accepta, & in 12 ducta, productoque per scale notatas partes distributo, quaesitam altitudinem diuisorius numerus ostendet, adiecta statura. Quod si partes versas pinacidium ostendat, his per distantiam multiplicatis, productoque per 42 diuisi, qui se offeret numerus, si statura adijciatur, desideratam altitudinem ostendet. Ut demus operatione absoluta versas partes notari 8, mensorem vero à re pedibus 240 distitisse, hos in 8 ducat, nascetur 1920: quibus per 12 diuisis, 160 pedum ab oculo sursum quaesitam altitudinem deprehendet. quod si totam altitudinem habere desideret, staturam adijciat, necesse est.

De

De inaccessarum rerum altitu-
dine capienda.

Cap. V.



BIBLIOTECA NAZ.
ROMA
VITTORIO EMANUE.

IN præcedentibus omnibus dimensionum
modis, liberum ad rem mensurandam adi-
um, geometram habere oportuit: quod umbræ
longitudine vel distantia opus sit. Sed vsu ve-
nit interdum propter fossam fluminum, vallem
vel aliud alioquin impedimentum, res quæræ
desideramus altitudines, inaccessas esse: quapro-
pter quod hætenus vna statione obtinuimus,

duabus nunc absolueret necessitas postulat, idque eo qui sequitur modo. Loco igitur commo-
do mensor consistens, per tabellarum latera di-
ligenti inspectione, altitudinis summitatem ob-
seruet, & pinacidio notatas partes seruet, sta-
tionisque locum notet: hinc, prout commodum vi-
debitur, rectissimo tramite accedat vel retro-
cedat, nec aliter quam prius, cum stationis locum
tum scale partes notet. Qua utroque loco in-
uenta, si recte umbrae partes fuerint (quod ra-
rius accidit) minorum partium numero ex ma-
iori subducto, si intervallum duabus stationi-
bus inclusum, per 12 multiplicatum, numero re-
siduo partiatur, qui se diuisione absoluta nume-
rus offeret, statura si adijciatur, quaesitam al-
titudinem ostendet. Sin versa umbrae partes ut-
traque statione obseruatae fuerint (quod saepius
vsuuenit) per statione priori inuentas partes, di-
uidantur 12, & partitionis numerus seruetur.
Haud secus cum posterioris stationis partibus
agatur, diuisorio numero notato: quorum mi-
nor ex maiori subducatur, & per duarum sta-
tionum residuum, intercapedo distribuatur: pro-
ductoque demum numero statura si adijciatur,
rei desiderata altitudo colligetur. Discursus ex-
emplaris huiusmodi esto. Sit altitudinis inac-
cessa cacumen per tabellarum latera diligen-

ter obseruatum, pinacidio versas partes 4 notante: per quas si 12 diuidantur, 3 notanda veniunt. altera verò statione accedēs vel recedēs 2 partes etiā versas mensor obseruet: per quas 12 rursus partiatur, & ex producto diuisionis numero 6 nimirū, tria prius seruata auferat: per residuum verò ternarium, duabus stationibus 240 pedum interstitiū diuidat, inueniet 80: quibus si pedum 7 fortassis staturam adijciat, rei altitudinem pedum 87 colliget. Quod si altera stationum partes recta, in altera versa occurrant, quia utrobique uersa, aut recta vmbrae partes esse oportet, ex rectis versas partes producere licebit, 144 per quasuis rectae vmbrae partes diuisis. Nec dissimili via versa ad rectas reducitur. Quare si stationū altera, rectae vmbrae 6 partes pinacidium notauerit, eadē 24 versis partibus respondere deprehendentur: quibus absolutis, reliqua haud secus ac praediximus perficienda sunt.

Sine calculorum ratione idem
obtinere.

Cap. VI.

Qua ratione, quocunque etiam constiteris loco, duabus stationibus absolutis, in rerum inaccessarum altitudi-

nisi cognitionem deuenire possis, modò numeris id perficere libeat, proximo capite ostendimus. Verùm quia non omnes Arithmetices æque periti sumus, modum addere libuit, quo facillime altitudines huiusmodi addiscere queas, etiam calculorum rationis prorsus ignarus. Si namque in stationum altera, duodecimam scala partem pinnacidio tenente, accedens vel recedens diligenter cures, vt per tabellarũ latera altitudinis fastigiũ videas: in altera verò, re-
cta vmbra sextã partẽ pinnacidio indicante, idẽ obserues: duabus stationibus conclusum interuallum bis acceptum, desideratam altitudinem æquabit. statura minime neglecta: nisi à puncto altitudinis, oculo adamussim respondente, sursum dimetiri malis. Nec dissimili ratione, si in stationum vna, duodecimam partẽ semper indicante pinnacidio, altera partes octo rectas habuerit, stationum intercapedo, quòd tertia altitudinis parti respondeat, toties accepta altitudinem æquabit. quòd si 9 huiusmodi partes notari videris, stationum interuallum quater colligens, altitudinem quoque produxeris. Contrà stationum altera, per duodecimam scala partem absoluta: si altera partes (versas inquam) octo ostenderit, stationum interuallum bis accipiens, altitudinem obtines. Quòd si 9
huius-

huiusmodi partes altera stationum obseruari:
 interstitium tertiæ altitudinis parti quod par
 sit, ter etiam colligatur ut altitudinem habeas:
 Sin verò in altera, sex partes (versas dico) pin
 nacidium notauerit: stationum intercapedinem
 mensus, altitudinem repperisti. Haud secus, cū
 in stationū altera, 6 rectæ umbræ partes obser
 uata fuerint, in altera 8, sed versas partes diop
 tra notante: vel vna 4 rectas partes, altera sta
 tionum 9 versas indicante: aut umbræ versæ
 6 statione vna, altera 4 eiusdem partes habēte:
 vel 4 & 3 (versis inquam) partibus duobus
 locis obseruatis: Horum 4. modorum si aliquis
 se offerat, stationum semper intercapedinem,
 desideratæ altitudini æqualem te natū esse,
 non est quod ambigas: quorum rationem mini
 mo negotio collegerit, quoniam geometricis demon
 strationibus alioquin fuerit versatus.

Quantum altitudine inaccessa
 absis; dimetiri.

Cap. VII.

IN omnibus hisce dimensionum modis, duo
 semper nota sunt scalæ: nimirū latera, qui
 bus si tertiū accedat, quartū eruere facile erit.
 Verū cū dictis lateribus semper altitudo vel
 nota distantia accedat, minimo negotio alteru-

tram cognitam habens, altera ignota, in huius
 notitiam deuenies: quare cū duobus præceden-
 tibus capitibus, inaccessam altitudinem dime-
 tiendi modum ostenderimus, non poterit eius
 latere distantia. Hanc inuestigaturus, altitudi-
 nem prius addiscas oportet, idq̃ modorum al-
 tero quos inibi recensuimus: qua inuenta, si in
 distantia cognitionem venire animus sit, tabel-
 lis aptatis vt altitudinis inaccessæ fastigium,
 per earundem latera diligenti monophthalma
 inspectione obseruare queas: si (vt plerumque
 fit) versas partes pinacidio notari videris, his
 per 12 multiplicatis, productoq̃ hinc numero per
 altitudinem distributo, quantum ab altitudine
 distiteris, partitionis numerus ostendet. Exem-
 plum istiusmodi esto. Altitudine inaccessa quæ
 cubitos 120 continet prius deprehensa sit, si,
 quanto interuallo mensor absit, quocunq̃ etiam
 loco constiterit, nosse desideret: accurata per ta-
 bellarū latera inspectiōe absoluta, si partes ver-
 sas 5 obseruari contingat, 120 cubitorum prius
 inuentam altitudinē in 12 ducat: quæ vero hinc
 nascuntur 1440, per 5 pinacidio notatas par-
 tes distribuat: ostendet diuisorius numerus 288
 cubitorum interuallo, eum ab altitudine hæc ex-
 plorantem absuisse. Sin partes versas (quod ra-
 rius vsuuenit) obseruari contingat, his per no-

*eam altitudinem multiplicatis, natoq; numero
per 12 distributo, ignotam distantiā diuisorius
numerus etiam dabit.*

Rerum ædito loco sitarum lon-
gitudines inuestigare.

Cap. VIII.



N haftenus ostensis dimēſionum mo-
dis, id ſedulo à menſore curatū opor-
tuit, vt huiusmodi planum deligat,
quod rectum angulum cum menſurāda altitu-
dine conſtituat: aut eo loco conſiſtat, vt recta,
à pedibus ad altitudinis baſim, linea ducta, ad
rectum cum altitudine angulum concurrat, ſeu
vna ſiue duabus ſtationibus altitudinem inue-
ſtigare ſtudeat: quod ſi ſecus habeat, facile id
ſua operatione corriget peritus geometra. Sed
vſuuenit interdum, huic remediū adhiberi
nequaquam poſſe: ſi videlicet multo, quàm men-
ſoris oculus, æditiori loco ſit menſurandæ rei
inferior terminus: quod accidit cū rerum ædi-
to loco ſitarū, vt fenestrarū, ſtatuarum, curriū,
aut ædificiorū in montiū cacuminibus ſitorum,
longitudines addiſcere deſiderat. Verū quia id
facile ex præcedētibus quiniſ collegerit, breui-
tati ſtudentes, hic præter exemplarē diſcuſſum
nihil adiſciemus. Sit igitur turris in montis cacu-
mine

92 GEOMETRICAE SCALAE
mine vel adito loco sita, cuius inuestiganda al-
tutudo detur. Duabus stationibus vel vna, mo-
dò fieri queat, turris & montis simul inuenta
altitudo notetur: quæ in exemplum pedes 485
contineat. hinc solius montis altitudo obserue-
tur: quæ 127 pedum deprehendatur, his ex 485
prius inuentis pedibus subductis. 358 pedes re-
linqui necesse est, quibus ipsò monte turris al-
tior esse dicitur.



Quod proximo capite diximus, faci-
lius obtinere.

Cap. IX.



Quod

Quod binis operationibus præcedenti ca-
 pite inuestigare declarauimus, id sin-
 gulis nos absolvere posse, nunc ostensuri sumus.
 duabus tamen stationibus absolutis: nam vni-
 ca id obtinere, fieri haud potest, quòd stationū
 intercapedine opus sit. Hoc igitur expeditu-
 rus, alterum pinacidium ad duodecimam sca-
 la partē perducito, ac prout res postularit, ac-
 cedito recedito'ue, quousque per dioptrarum la-
 tera, superior mensuranda longitudinis termi-
 nus oculo occurrat: & stationis locum, ut quar-
 to huius partis capite monuimus, diligentissime
 notato: à quo recta versus rem accedito, pina-
 cidio à duodecima parte minime dimoto, donec
 haud secus ac prius, per tabellarum latera, in-
 feriolem rei terminum conspexeris. ac ibidem
 stationis locum obseruato: hinc interuallū quòd
 duabus stationibus interiacet mēsus, quasitam
 longitudinem inuenisti. Tamen si verò duode-
 cima partis tantum hic meminerimus, poterunt
 nihilominus cū versa tum recta umbra par-
 tes eundem præstare vsum. Quandoquidem si
 eo quo ostendimus modo, duabus stationibus ab-
 solutis, sextam versa umbra partem teneat pi-
 nacidium, stationum intercapedo ad mensura-
 ram altitudinem duplam rationē obtinet: adeo
 si pedum 20 dicta intercapedo deprehendatur,
 quam

quam dimensus es longitudinem, pedum esse
 10 minime ambigas. Sin contra, totidem recta
 vmbrae partibus in vtraque stationum vsus
 fueris: quia ad desideratam longitudinem, in
 subdupla ratione intercapedo est, hanc pedum
 10 inuenies, illam 20. esse certissimo concludas.
 Idem quoque ceteris vmbrae vtriusq; partibus
 assequi licebit, semper intercapedinis ratione
 eadem seruata ad quasitam longitudinē, quā
 12 ad versas partes obtinent: vel illius ad hanc
 ratione habita, in qua rectae partes se ad 12 of-
 ferent. verū in praedictis partibus paulo cōmo-
 dior ac certior operādi modus. Id nāq; vsue-
 nire nouimus, geometricas dimensiones cōmo-
 dius successuras, si duodenarij ad partes pina-
 cidio notatas multiplex ratio, quā superpar-
 ties aut superparticularis occurrat: insuper &
 certius, quo eadem duodenarij multiplex ratio
 minor deprehenditur.

De distantiarum mensuratione.

Cap. X.

SI de altitudinibus, quae haecenus dictae
 sunt, bene ceperis, nihil est quod in distātiā
 aut profunditatis dimensione remorari te po-
 teris: quandoquidem ut inibi distātiā vel sta-
 tionum intercapedinis, ita his altitudinis cogni-
 tione

rione opus est: quæ eadem perpetuò rationē ad
 distantiam seruat, quā 12 ad recti lateris par-
 tes, aut uersæ partes ad 12 obtinēt. Quare si ope-
 ratione facta, ut plerunq; vsuuenit, versas par-
 tes notari videris, notā altitudinē per 12 multi-
 plicato, productum verò numerum per notatas
 partes distribuito: sic quæsitam distantiam ab-
 soluta partitione offendes. At si vmbra partes
 rectæ occurrant, altitudine in partes inuentas
 ducta, natoq; hinc numero per 12 diuiso, optatā
 distantiā diuisionis numerus offeret. Hæc decla-
 ratione tametsi nulla indigeant, rudioribus ta-
 men exemplū adijcere lubuit. Sit igitur quis æ-
 dico loco, qui altitudinis cubitos 84 habeat
 quantū verò hinc domus, turris, edificiū, vel
 aliud quippiā absit addiscere cupiat, in eū qui
 sequitur modū absoluet. Altera dioptra ad sca-
 læ partes perducta, ac distantiæ termino obiecta,
 & annulo liberè pēdēte, eū qui pinnulas defert
 hac illac paulatim circūducatur, donec per tabel-
 larū latera distantie terminū visu assequatur:
 quibus absolutis versæ partes 7 notentur. per 84
 igitur cubitorum altitudinem duodenario mul-
 tiplicato, 100 nascuntur: quæ si per 7 partiatur,
 cubitorum 144 optatā distantiam diuisionis nu-
 merus ostendet. Qui exquisitum, certum, &
 elegantem distantias mensurandi modum vi-
 dere


dere cupiet, nostri Gēma libellum, de regionū
 & locorum descriptionibus consulat: qui rerum
 maxima interualla, etiam absq; ullo geometri-
 co instrumento, dimetiri ibidem docet.

Profunditatum dimensio.

Cap. XI.

Profunditatem appellamus, quod putei
 aut cisternæ orificio, & suprema aquæ su-
 perficie secundum rectam lineam continetur in-
 teruallum. In cuius dimensione obscuritatis ni-
 bil deprehendes, modò hætenus dicta de altitu-
 dinibus ac distantijs capiendis, rectè assequu-
 rus sis. Sicuti enim in his altitudine opus est, e-
 contrario in illis distantia: ita hic orificij latitu-
 dinem putei aut cisternæ nouisse oportet: qua in-
 12 ducta, natòque hinc numero (quòd rectas
 plerunq; obseruari hic contingat) per obserua-
 tas partes distributo, desideratam profundita-
 tem partitionis numerus ostendet. Ad eò si pu-
 rei, cuius orificium pedes 8 pateat, accipiēda sit
 profunditas, annulo orificij extremitati appli-
 cato, & profunditatis termino per dioptrarum
 latera obseruato, partes 2 notari videro: pedes
 8 latitudine, per 12 multiplicata, natisque hinc
 96 per 2 diuisis, quòd pedes 48 sese offerant, tot-
 idē puteū profundum certa ratione concludero.

FINIS.







$$\begin{array}{r} 1053 \overline{) 4} \\ \underline{13} \\ 1 \end{array}$$

$$\begin{array}{r} 1553 \overline{) 4} \\ \underline{05} \\ 13 \\ \underline{1} \end{array}$$

